



伯山詩話

三續集

儀徵吳錫書首

咸豐庚申年
孟夏月開雕

拙輯詩譜於辛亥年再續二卷越一年遂有軍政而此事之不
斷如綫茲數年來友朋之簡書較少而余之荒廢已多矣庚申
季春偶發篋衍間有所得撮而抄之公然成集名曰三續恐難
爲積薪之居上而不免賣菜之求益七三老人占占以此自喜
亦甚無慘矣但聞遑歲友自京師歸云海外君子有姜姓字星
樞者於琉璃廠中購得拙輯深爲愛惜副使舟帶回本國余系
何人而敢索雞林之價乎可一粲也

咸豐十年又三月十六日燈下伯山氏書序

序

伯山詩話三續集卷一 話今

泰州康發祥瑞伯氏編輯

門人王鴻業雪颿校勘

宋曹輔有二一南劔州人字載德一海陵人字子方與蘇東坡相倡和者海陵曹子方也蘇詩施宿注云曹輔字子方海陵人元祐三年九月自太僕丞爲福建轉運判官東坡繼出守錢唐同過吳興作後六客詞子方其一也子方以詩寄壑源新茶當是閩中所寄子方自閩歸道錢唐有真覺瑞香花雪中同游西湖三詩元豐七年間爲郵延路經略司勾當公事故詩云往來戎馬間邊風裂儒冠詩成橫槩裏楮墨何時乾後點廣西刑獄先生在惠州數與往來書帖黨旤諸賢多在巡內子方不循時

伯山詩話續集卷一

一

好周卹備至世論與之紹聖中移守衢州按施宿宋嘉泰年間嘗爲淮南提舉署在海陵且與輔時代相距不遠豈妄言者今州志不載豈疑輔爲南劔州之載德而謂非海陵之子方耶是未可知

東坡有次韻滕大夫三首咏雪浪石沈香石也注大夫名興公海陵人時爲定武倅今志亦未載

中山詩話云海陵人王綸女爲物所憑自稱仙人字善數品形製不相犯吟雪詩云何事月娥偏不在亂飄瑞葉落人間說云天上有端木開花六出他詩句詞意飄逸類非世俗可較題金山云濤頭風捲雪山腳石蟠虬常謂淪爲清非儒子不曉其義亦有詩贈曰君爲桐葉我爲春風春風會使秋桐變秋桐不識

春風面居數歲神舍女去儻然無知嫁爲廣陵呂氏妻中山詩話劉貢父作斯時貢方倅海陵定非漫言

李安溪

光地

相國送吾州繆司寇

沉

視學楚中詩云江河滙分

處邦爲南地雄涉湘名已驗作楚定方中杞梓登天府蒹葭問土風清貧君不厭大路邈芹宮涉湘名已驗句謂司寇字湘芷也詩語多規戒而又沈着華瞻其丈幅至今墨色如新令人望觀無斃

人有詩歎討便宜而翻致喫虧機巧而轉覺成拙者安化陶雲

汀澗

宮保嘲輿夫詩云峻嶺費延緣危磴愁礧礧轟轟五雲端

目懾此尖峭下有徑腰之坡陀誰所竅明知介然成其始若可抄輿夫謂攀躋得此徑殊躁止之勢不能難易彼誠較登頓萃

确中亦復魂屢掉行之三數里忽焉阻重淖揭厲兩無功步窘氣先懊前後頓差池彼此騰怨誚我時默無言付之以一笑欲速反爲遲此苦由自召計窮無復之舊路須重繞卻看循塗人蹶躓已先到捷足彼何爲詩爲來者告此可爲行險徼倖者誠究之幸不可徼而徒爲冒險循途守轍何嘗不利乎

癸丑年六月十八日余由白米鎮適繆岱雇小車一輪前行車人自銜其技工要余贊賞而彼實拙甚凡遇磽确處則汗下浸淫氣喘不輟余銜之作紀事詩云野田犖行有僕來驅車技拙力亦薄汗下聲每吁彼實不自量猥欲要人譽請問車中人我技卻何如我曰君技妙無人能爾逾彼意殊洋洋其行仍趁起我作違心語豈合直道歟念我有口惠權當春風嘯有如鈍

秀才下筆多謬迂慣以文質人不知人軒渠人視爲燕石彼視爲璠璣概作紅勒帛得無情意疎人技苦不足人情貴有餘但將口惠加何惜此區區

安化陶宮保

澍

著有皇華草入川詩卓然可觀姜伯約祠云北

伐年年戰鬪勞紛紛被敵倒旌旌猶聞死後將軍膽空拔營中將士刀往事竟成蛇畫足天心已定馬同槽當歸遠志皆虛願歲歲祠前劒水號綿州弔張魏公云半壁臨安已不支富平新敗又符離少年入幕憐才子殘局同朝誤太師海內每聞諸葛號陣前猶擁曲端旗將軍脫幘長城壞孤負黃龍痛飲時新都弔楊升庵云朝內何人念敬皇滇南回首暮煙蒼山迷故國三千里夢斷中庸十八章賈誼少孤憂漢室虞翻老尚棄蠻荒白

伯詩話續卷一

三

頭粉面雙叉髻起舞泂瀾淚數行自注升庵生時母夢神送五代忠王夏魯奇至曰武臣也以中庸十八章輔之詩有論議音調亦極高華

皇華草中灞橋詩最爲絕唱詩云灞橋兩岸多楊柳直到秋來未肯殘幾許離情添漠漠半河新水共漫漫日邊已覺長安近雲際猶愁蜀道難差喜能看黃白閣消魂不用倚欄干外有秦中懷古十章高華典實茲不及備登

洪容齋筆談紀瀛漠之間二禽云塘灤之上有禽二種一曰信天緣形類鵝色蒼而喙長疑立水際不動魚過其下則取之終日無魚亦不易地一曰漫畫形類鷺奔走水上不聞腐草泥沙啜啜然必盡索乃已無一息休信天緣若無能者乃與漫畫均

無飢食而反加強大東坡二蟲詩亦猶是詩曰君不見水馬兒
步步逆流水大江東流日千里此蟲趨趨長在此君不見晏濫
堆決起隨衝風隨風一去宿何許逆風仍落蓬蒿中二蟲愚智
俱莫測江邊一笑無人識勞逸靜躁之不同生于性而狃于習
見此者當慎所擇也

武康徐雪廬

熊飛

孝廉著有白鵝山房風甌雪笠等集詩多凌

厲之氣余獨賞其和平淵雅之作林烈婦云可憐明月光不照
槃石心誰使姑不容妾心悲至今妾不得姑心妾命青蠶絲絲
絲腸斷絕多謝惡少年黃金買顏色茨菰復茨菰綠葉何翩翩
妾不得姑心妾死無足憐如何蘭蕙花變作菘菘草山下青梧
桐姑惡啼至曉蓋林女嫁顧氏子姑與夫受惡少之路誘婦婦

俚語續集卷下

四

志不奪受炮烙死也詩語含蓄可貴玉松關云片雨洗新綠引
入山水情入門唯石色高樹有風聲野鳥來窺戶孤雲不出城
名流清嘯地邱壑憶平生奔牛鎮云醉殺蘭陵酒空江湖碧流
野花明斷驛春草綠奔牛沙岸桑麻少漁家蒲稗稠相逢多水
客船尾話揚州太湖舟中有感云飛花亂落鮎魚口宿鳥晴初
曉霧開白鳥忽從煙際沒青山多自故鄉來臨流鬢髮垂垂老
到眼韶光故故催不及五湖漁父長全家棲泊釣魚臺吳梅村
先生墓云靈巖山色墓雲開高塚荒涼集碧苔感運自憐青史
在思鄉欲乞白衣回茂陵玉椀初明恨江左牙旗庾信哀依舊
東風吹秀麥牧童催犢上琴臺橫塘絕句云門外垂楊綠幾重
小樓一角對芙蓉飛花萬點橋頭路春酒不如人意濃詩多有

見地

山陰楊六符

夢行

庶常著心止居詩四卷內有讀史樂府四十

首其最佳者龍門史云龍門史成父志直臣之風孝子之事咄哉班固作漢書乃於舊傳易幾字女從征云妾不患殺賊勞能騎快馬腰短刀妾不患絕塞遙患妾父母皆年高得歸拜二親還親女兒身幽并健兒何足云妾貌如花愁殺人長樂老云厯事五朝十二君著書自謂忠于國世無老子之癡頑何爲佛出救不得破君亡生亦可憫乃曰長樂孰不可忍七十三死非早一時同驚歎言與孔子同壽考子以知五代人心之顛倒近體詩病起句云曉雲涼似夢山雨下如潮不寐云清露似成響鳴蛩強自支曉行云暗沙迎短轂宿雨溼山鐘

仙書續集卷一

五

拙輯前刻祀竈曲已足供閱者喁喁今又見歙縣徐廉峯

寶善

給諫詩尤典雅可頌詩云隗耶髻耶竈神名張耶蘇耶竈神姓低甄高額造軒光五突三隅總司命東鄰祀黃羊黃金如斗家穰穰西鄰卜鏡聽吉語和諧鏡神聖一家一竈竈一神千百萬

億神化身神之爵秩亦已薄乃得奏事登天門爛羊頭竈下養

不用功高封將相既福惟神神聽聰觚前慎莫爲人煬余閱惠

定字

棟

徵君注太上感應篇云段成式西陽雜俎曰竈神名隗

又姓張名單夫人字卿忌有六女皆名察洽察一作祭洽一作

洽一曰竈神名壤子也雜五行書曰竈神名禪字子郭又注曰

禪單字相近蓋禪讀爲單莊子曰竈有髻司馬彪曰髻竈神也

李軌音吉杜公瞻引五經異義曰竈姓蘇名吉利婦姓王名摶

頰給諫詩徵引本此

廉峯給諫著有壺園詩途行有感云回首鄉關遠前行客路遙
曉星雞角角落日馬蕭蕭細草埋荒驛垂楊斷野橋淮山終可
隱叢桂漫相招過馬當云千里蒼茫雲路長曠曠曉日射波黃
篷窗臥聽濤聲急已報輕舟過馬當過嘉禾云隨隄裊裊柳絲
黃吳苑溶溶溪水香身到江南還是客一帆又過語兒鄉題清
明上河圖云華蓋雲高護冕旒鳳皇山麓奠金甌黃沙燕月宮
車斷猶見丹青畫汴州此外有五代新樂府一冊長樂老云侍
中里太尉鄉私門十六戟封國齊秦梁孝於家忠於國周旋四
姓十一君老臣富貴永無極時開一卷時飲一椀樂而忘老時
不再來菩薩行孔子壽執拗相公殿前奏伊尹相湯一五就此

伯言詩集卷一

六

作與前楊君六符作各極其妙梅君伯言評徐詩云歐陽公馮
道傳直書其自序不著褒貶以不足汗筆墨也此筆墨高處余
驢其言

順德胡安波

海平

大令曩官吾州在任年餘余初不知其工詩

也久之以詩見示過邗江詩云五千里外人重到廿四橋頭月
二分甲寅年中秋望月云十二回圓會幾夕五千里外又中秋
宦蹟鄉情只此可見又因余詩話中有趙王二君松林庵古松
詩先生擊賞並作攷訂指庵中之樹是柏非松詩云伯山詩話
古松詩趙君

沉並

王君

勾生

洵英奇巧將古秀清超筆寫出天

矯撐拳姿讀詩興發閒步履撫樹低回三歎息詩人藉藉詫古
松卻非古松是古柏豈不聞栢泉寺栢梁臺巨栢原是非凡材

豈不聞老子堂孔明廟枯栢重生吐靈曜此栢拳曲盤龍身也似偃蓋松輪囷別舍貞德具本性故有香葉無蒼鱗可惜托根非其地偃蹇苔階低挺翠只因挫屈山僧手竟使不成梁棟器如來殿側寄閒緣祇得騷壇人可意無如衡星精默默難自鳴庵倚樹成庵已古影混疑似松居名栢爲松掩事日久遂使千載無公評我思大谷大陵栢栢壽均與天地等長久古木如斯亦非偶表栢沒松傷衆口是栢是松終當剖持詩仍質伯山叟余答其詩云展讀新詩論栢栢情如老吏判西臺憐伊樹木多風雅如此篇章大辨才黛色非從孤嶼出濤聲疑自半天來崇祠亦有輪囷杏更乞推求是孰裁自注胡安定祠中有銀杏一株稱安定先生手植不知是否更欲先生攷定之先生又有間

湖北官軍大捷同日尅復武昌漢陽云陸陣長蛇水鸛鵝兩城齊復此功多東風縱火周都督南海飛帆馬伏波共快惡氛清漢沔應無餘地匿妖糜江淮不少貌豺旅定許相隨奏凱歌海門卽事云東指狼山更向東鹽池厯盡道無窮天雞若近扶桑國水馬初觀蜃戶風煮麥家家禳颯母收棉處處饗田公滄波拓地空千頃未可催租古郡同聲調高朗議論正大近日官移他處亦復詩筒見寄也

安波先生見鷓鴣詩云捕魚矜薄技品類本貪汚烏鬼名堪鄙青繩嗟早拘奏功同獵犬畫水比鶉鴝爲爾開征稅禽中賤丈夫卽物以示警不惜言之痛快也蜻蜓句云身輕飛不定性警捕難忙亦有至理平橋夜泊云客路風濤險安平喜有橋幾人

題杜過萬里數程遙月影沙鷗宿燈光酒旆飄更深重繫纜還
恐夜生潮泰州光孝寺云喜過光孝寺爲訪五賢堂遠憶虞翻
宅還思教授鄉徑松攢古色庭竹耐秋霜僧舍西城畔陂塘送
晚涼自注五賢堂在寺內舊祀張綸范仲淹富弼胡瑗王覲也
粵東光孝寺是虞翻故宅教授句謂胡安定也

朱竹垞詩話謂宋儒朱晦庵明儒薛敬軒其詩皆不墮宋人理
窟要之其所爲詩究不能非理而成必師擊壤集一派殊可不
必明薛文清已食兩廡特豚而河汾集詩醇雅動宕曾有美人
生南國艷色世所稀明眸一迴顧草木生光輝之句黔陽山中
詩云景好甯知是異邦竹籬茅舍是蒼江吏情更有山林趣綠
樹門前畫戟雙竹枝詞云錦官城東多水樓蜀姬酒濃消客愁

醉來忘卻家山道勸君莫作錦城游如此類詩不傷大雅亦何
礙於儒學乎又如于忠肅公明之社稷臣也其詩之高峻則如
炕頭炙炭燒黃鼠馬上彎弓射白狼塞外青天圍故國中黃
葉下空潭紫塞北連沙漠去黃河西遶郡城流懷人此際隔千
里爲客明朝是十年是也其猶夷之作則有暮春途中作云雨
中紅綻桃千樹風外青搖柳萬條借問春光誰管領一雙蝴蝶
過溪橋擬吳儂曲云憶郎直憶到如今誰料恩深戀亦深刻木
爲雞啼不得原來有口卻無心夫有口無心此是真正學問絕
大神通也自在流出亦何害於挺挺之大節乎陳白沙集中亦
有老去又添新歲月春來定有好花枝之句亦不失其陳白沙

寶應喬劔溪儻孝廉論詩之旨猶是長洲晬語之例作詩亦守

三別裁之繩墨銅陵東郊云返照開積陰秋容淨洲渚晴山舒
薄嵐霽樹飄殘雨潛鱗逆水上逸翮出林語臨眺暮忘歸寒煙
上平楚北河店曉發云原隰莽迴互驅車愁問津亂流平渡馬
殘月早行人席帽沾微露荷衣積暗塵客心良自歎長路二毛
新

養一齋詩話山陽潘彥輔德輿譔也尙論古人多有見地卷首

卽訾阮籍陳子昂兩人謂籍黨司馬昭而作勸晉王賡子昂詔
武曩而上書請立武氏九廟皆小人也以爲人與詩有宜分別
觀者人品少繆戾詩固不妨節取若其人犯天下之不韙則並
其詩不得而恕之詩教不在聖教之外若不明辨則才士一門

遂爲小人之逋逃藪持論甚創而苛於論詩不免矣

又謂阿諛誹謗戲謔淫蕩夸詐期誣之詩作而詩教熄故理語
不必入詩中詩境不可出理外謂詩有別趣非關理也此禪宗
之餘唾非風雅之正傳余閱此條於理語不必入詩中二語最
首肯膺服

又謂某人某詩不如某詩某人某句勝於某句絮短較長言之
數數愚竊謂詩人之作但隨時拈筆而成如必欲爭勝於前人
而又妨後人之爭勝於我則荆棘滿身幾於不能舉筆矣卽評
論詩句亦安得星秤隨身洋尺在手而一一爲之會計耶可不
必也

龍巖魏笛生茂林觀察懸車後寓居泰州閉戶著書宏獎後學

詩不多見祇見其哭姪詩云斯人何處去修文惆悵豐溪日暮
雲賸有遺書三十架旃檀樹下冷斜曛

淮安烈婦鄭懷蘇

蕙

程作人

振

之室也依兄侶梅居揚州賊至

陷城中迫之入女館勿未死自縊遇救又未死因食額傷不食
死有日記自二月杪至六月盡詩詞若干首乳母攜出殘稿族

兄偉士

杰

孝廉錄稿傳觀吳讓之

熙載

舉以見示自題詩稿云

平生自悔近微名此日真如夢乍醒鷺鳥尙知雷勁羽啼鴉何
處託哀音解詩曾笑吾家婢語讖仍空曙後星只恐此心疑未
死僅教字字化青燐第六句注云有女生而不育故云刎頸作
絕命詞云一死未能求九死須遂志哀哀寸草心自裁復何罪
骨肉如雨散恩情圖報難只將數行字雷與後人看滿庭芳詞

信書齋續集卷之十

十

一闕云三月煙花二分明月香車陌上如流變來今日犀甲帶
吳鉤何日 王師雨洗長驅入迅奮豺豕危城裏天荆地棘不
是等閒愁長淮三百里回頭一笑夢也休休幸飛花兩地翻謝
河洲自顧此身安寄問前身著甚來由只餘得青燐碧血何處
十三樓讓之題詞有左姬才調班姬扇晉代璇璣宋代愁二句
可謂該括余亦作詩云烈婦昔年侍湯藥深宵剖股揮鋒鏑甲
丑之歲粵賊竄揚州城危摧獸角烈婦身在城陷中宜死宜生
費斟酌泪眼盼 王師愁心俟夫子夫子未至死傷勇邇時欲
死不遽死延至六月人未歸血淚迸裂霜同飛爾時欲待不可
待宜死不死生何爲賊來逼之入女館胸中慧劍卻能斷刎頸
未殊志愈堅此時那得須臾緩炎風入屋紅淚水膏油熬盡終

宵燈妙腕一篇金縷曲空椽數尺朱絲繩乳母將出絕命稿觸
之紙上一一皆生稜烈婦者爲誰是當記其實鄭穎園之女程
作人之室平生愛慕璇璣圖氏鄭名薰字若蘇食顛傷後不食
死求死羞尋押不蘆烈婦能將名教扶族兄偉士錄當途徵詩
更有延陵吳謂讓我詩拙質聲慨無終以三字吁嗟乎

曲阜孔宥涵

繼鏢

太守詩余說詩已登續集矣今以壬癸于南

二冊託程文伯寄余索拙輯一部交易之後展讀新作覺前詩
氣味學陶茲集格律近杜感時論事格老氣蒼桃源云秋深古
驪寒無雁水退人家夜有燈河上晚秋云月沒澹於初月地柳
寒疎似柳青時續排闥云移節但聞將代將徵兵久罷古屯田
又云河渠移徙工誰代鹽鐵紛紜論更多平橋舟中云城春柳

伯詩話續卷一

十一

外誰家燕野哭天邊何處村雜感云有親忍說家爲累無米何
曾我不愁畱別南寺云旣拋肝膽從人役何處林亭是我家邵
埭間鄰舟琵琶云太白高懸剛向夕小紅低唱是何年舟發寒
河云監門忍繪流民狀名將誰兼國士風江上云漢室功名期
耿鄴江天圖畫改金焦如此類詩指不勝僂酒邊燈下令人擊
節不置

吾邑鐘鼓二樓余斷其爲南唐時造集中言之屢屢今里人築
牆屋取土地中獲鐵盛一古鏡一觀之其爲南唐時物無疑余
賦二詩以紀之古鐵盛云吁嗟乎古盛乃是將軍遺不知將軍
者爲誰土花斑駁地中出形製偉岸光陸離層廣頂銳腹中空
去聲 鑛鐵雙合圓成規腹中可受二升許其高九尺還有奇銳

頭定爲善戰將廣額亦是非常兒我聞泰州作重鎮兵起唯在南唐時顯德二年爲周陷旋看底定來宋師前此兵戈不遽息

荆 罕儒褚仁規

防禦獸角支浙矛炊劍晝復夜甲冑螿蝨良苦

悲或化蟲沙或猿鶴原野血肉成膏糜盛無欵誌作攷核將軍姓名何由知吾身生幸承平日妖星掃盡蚩尤旗隔巷時來觀古物含飴鼓腹同游嬉吁嗟乎古盛古盛今日出底爲得非要索詩人詩我詩雖成實亂靡聊將盃酒以酌之新詩在手酒殘地古盛顯晦無窮期古銅鏡詩云古盛一歌歌未竟友人請我歌古鏡厚三四分徑五寸土蝕無光月生暈鏡背何所有有字在其陰大篆疑屬徐鼎臣小篆似書徐楚金但恨殘缺不可讀令人展轉皆盲瘡其旁何所有更有振僮舞長衣繚綰當風舉手中不待持千羽慘慘神物搖心魂寂寂空堂颯風雨吁嗟乎雨往風來一鏡中如丁鼓鑄洪鑪紅英雄五代竟何處只贖區區百鍊銅吾邑之東某村農人墾田得數金條上有字曰南唐金條寬有二指長四五寸或是賞軍士物此事余得之韓上舍東膠所說東膠蓋目見之也

山陽方雲壑

其洪

學博與同邑潘農師

德輿

同舉鄉榜友善與

魯一同

貫

亦聲氣相競莅吾州學篆時時見過煮茗挑燈譚詩

不輟雲鶴飲余泉諸君於干江一月精舍作詩紀事云城東祗園清且廓樹嘯鶉鳩戶羅雀倚檻看山雲滿天時時不晴雨復落昨宵霽色開黎明海東日上光晶熒出門但見露華沾插禾割麥聞禽聲歸來長歎惜無偶拈毫憶我譚詩友朝來一一惠

然至昔藉堆盤樽魯酒座中年長推康侯延之堯年皆吾儔袁
生卓犖似麀角顧郎俊爽同虎頭更有兩君殊嗜好何事牽引
不肯到康侯料事得先機雅諶高譚令余笑縱橫世事增歎欷
丈夫跬步須防微栢葉後凋猶自闕楊花得勢齊爭飛豈知霄
壤分得失素絲一染要渝破此事難與外人道勸君莫放杯中
物頻年烽火驚江鄉赤眉銅馬紛如蝗吾儕此間得安堵卻立
仰視天蒼蒼回看春色深如許綠暗紅飄縈別緒消愁惟有鬪
音韻得樂居然忘爾汝譚深忽覺涼意催催詩有雨雨又來送
君出門雨不止女牆無數野花開詩猶夷動宕朗朗可誦外有
數詩見贈語皆高妙今檢稿不得姑錄此篇於集中並誌余過
焉

今人紀游之作凡經行之處一山一水一樹一石無不形諸歌
詠見于簡冊但人心中若無感觸雖遇名勝何煩筆舌勉強爲
之以爲記里鼓則可以之抒寫胸臆則未必爾間觀陶元亮往
來廬山屢矣而集中絕無廬山詩是不苟作也夫豈集中竟缺
之耶

淵明贈羊長史詩云路若經商山爲我少躊躇多謝綺與角精
爽今何如又飲酒詩云咄咄俗中惡且當從黃綺夫淵明人品
不在黃綺之下而淵明之推許黃綺如是李太白詩云登舟望
秋月空憶謝將軍杜子美詩云清新庾開府俊逸鮑參軍李杜
歌詩不在庾鮑之下而比之方感歎不過如此是自况不得
過分譽人略無溢詞何今人於寫懷之詩而猥以巨公爲比

贈之作而輒以昔賢况之僭妄之譽實不自知其逾分也是可
嗚噓

施元之注蘇詩此書開雕於秦州余於詩話續集言之矣猶恐
其久而湮也乃題蘇詩施注後云長江大河東坡辭曾和微風
細雨淵明詩名公筆妙無不可五十卷著英俊思昔賢時代適
相近勤加注釋非阿私注者誰施元之何年代嘉泰時傅君漢
稗善謄寫刻在淮東倉曹司倉曹官廨爾時在秦邑今無屋宇
猶有甚至今蘇集徧宇宙求之此事人罕知我光邑稟爲表暴
職在後起安敢辭元之編年適妥善龜齡分體人共嗤後來殘
缺誰補綴邵髯甚賴商邱贊讀詩兼讀元之注知人論世心神
馳此日安得景泰本開函酒酌千瓊卮按傅君漢儒名釋向在
元之幕中爲元之謄寫蘇集錢版此事南城曾某詩語亦言及
之

通州徐樹人

宗幹

臬憲望嶽詩云燕趙齊魯山之東自東而西

中州中五嶽已覽恒岱嵩勃執其氣生吾胸中原山盡入隴蜀
一年兩走華山麓但見萬馬脊竦波濤奔跨鸞騎鳳朝天門縹
渺玉母滿頭雪欲洗不洗空畱盆飽看山色日百里三日仍在
山之根瓜皮皺皺斧臂誰畫工仙人五指落太空隱隱唐槐漢
栢周秦松夜碧時或聞清鐘安得兩腋生翅飛上去一日三周
天外之三峯手攀脚踏千朵萬朵之芙蓉余於友人冊中偶見
此詩覺軒爽之氣豁人胸襟也

友人案頭有瓣香山房集集中有淡芭菰詩頗覺雋永詩云東

風吹綠瀛洲草葉大於掌煙苗老及時伐之編爲棚摺摺移時
藉日杲晒乾細飽如牛毛小奚蓋露競相高平頭奴子裝點倩
荷包有時收拾綠絲織饑固不可以爲食渴又不可以爲藥何
來好事貧衲子稱曰人間和合香眼前多少饑寒色便當服田
而力稽奚爲徧地種煙根但覺有煙饑亦得集署南城會修吉
廷枚撰

吾友尤柳村

金城

縣尉曩築草堂於西墅而又起小樓於東城

東西相望形勢可觀樓落成之日囑余作記余記成並系以詩

云高樓西北鬱嵯峨海上名傳起櫂歌三十六湖煙水外此間

獨聽雨聲多

附記云樓以遠眺望間嘗怪闔闔之間有樓而試登之略無所見但見左右民居萬瓦參差而已是可皮物而不可以眺望何樓之足云今柳村於居宅之隙地起別墅而築樓於巽方甫成之日邀余與王一山廣文陳研香孝

信詩話續集卷今

五

廉飲酒落之並囑記於余余因思州治之西南舊有所謂五藉樓者謂藉東道院南城垣西岳墩北佛寺中市河而茲樓之所藉更不止此茲樓之下有菜圃有青溪上有橋過橋有文昌閣巋然立焉折而東爲靖海樓如鳳之昂首高齋折而西有巽宮有泮池再西爲南山寺之浮圖稍遠爲南關之橋樑而岳王墩則隱約於疎林叢薄之間其城之女牆則從樓之左折而右又如帶之環腰而垂其鞶此蓋一城之中而所藉已多矣城之外又有菱芡浮游漁歌唱畬鳧出沒飄影往來其最遠處則墟里炊煙或連或斷手摩心揣皆可略言其村落其所藉又若此也而尤不止此且夫藉于地者亦藉于天以一日論朝日夕月宵霞喜虹以四時論春冰夏雲秋煙冬雪無不千姿萬態爭妍鬪奇以收納于一樓之中而供其欣賞所藉若此之夥五藉云乎哉且我州之城闕四西北多蘆市而東南多園壘市則估僧叢集其氣譁囂園壘則樹木蘆葦其風清淑皆有許主簿南園歐陽永叔曾爲之記又有天慶觀爲宋徐神翁棲息之所近又有徐萬侯孝子宅在其樓之前後與右方焉是可知清淑之氣每鍾于此柳村之子弟苟讀書樓上惺然有得則可爲名儒彥士將樓與人俱播聞于海內而稱名于後世誠如登井幹者時拾級而更上一層也且空諸依傍不難也何藉之足云哉是爲之記時在咸豐元年仲冬月

曩拼搽場繆某以孤兒圖冊囑題余作孤兒行一首每句未用

系以孤兒二字蓋孤兒失怙之後育於母氏艱苦備嘗余詩激厲孤兒再四諄囑欲其善事母氏以荅其深恩也或詰余曰詩每句綴以此二字有此體例乎余云君觀古詩董逃行一首可矣

詩以二句爲一韻夫人知之矣亦有一句爲一韻者栢梁體是也又有三句爲一韻數句爲一韻者古詩甚多指不勝屈也且有以一句爲兩韻者人習焉不察未經道破按古語凡七字古人每於第四字爲一韻第七字又爲一韻如天下中庸問胡公說經鏗鏗揚子衡五經紛綸并大春避世牆東王君公甌中生塵范史雲素車白馬繆文雅之類皆是是庸公爲兩韻鏗鏗爲兩韻綸春東公塵雲馬雅無不爲兩韻也

菖蒲花發時人看不見余再續集中已引古今詩句証之今偶記元微之詩別後相思隔煙水菖蒲花發五雲高李昌谷詩官街柳帶不堪折早晚菖蒲勝綰髻又石上菖蒲九節死游記彈琴迎帝子此又一証也施肩吾詩又云十訪九不見甚於菖蒲花此更一証也

詩人用州名入詩罔不夷猶動宕唐張祜云潮落夜江斜月裏兩三星火是瓜州李紳云嘹唳塞鴻經楚澤淺深紅樹見揚州李白云夜發青溪向三峽思君不見下渝州杜甫云今日南湖采薇蕨何人爲覓鄭瓜州白居易云忽憶故人天際去計程今日在梁州元稹云亭吏呼人排去馬忽驚身在古梁州又云一種雨中君最苦偏梁閣道是通州又云努力南門少惆悵江州

猶是勝通州又云惟有綠樽殘燭下甞時不似在忠州楊巨源
云相思末路幾回首滿眼青山過衛州宋楊傑云天末樓臺橫
北固夜深燈火見揚州黃庭堅云正字不知温飽味西風吹浪
古藤州陸游云名酒過於求趙璧異書渾似借荊州 國朝王
世積云試向竹西亭畔望綠揚城郭是揚州德州旅壁無名氏
題云而今我亦忘恩怨一騎斜陽過德州他若白日澹幽州明
月滿揚州歌吹是揚州馬頭紅日見揚州一天梅雨下蘇州俱
膾炙人口指不勝屈矣但州字皆用之於落句或聯句中而首
句用州字則有劉長卿西塞懷古云王濬樓船下益州此爲天
上下將軍全首詩竟如破竹之勢斬關奪隘之手其清雄爲何
若乎

吾邑陳少方

晉元

明經遺稿囑余點定其贈余詩有得君來作

中流柱媿我曾孤國士恩之句不知何指余贈少方詩亦有歌
傳江岸人皆啞足踏名山我未忘之句蓋丙子歲余與少方同
泊舟于燕子磯邊鄰舟于月下有歌長生殿彈詞一闕者少方
繼聲發響鄰船卽嘿爾而息前數日又與登清涼山觀落日此
二句蓋紀實也

甘泉吳少文

康

布衣家于北湖與焦理堂徵君學問相劇切著

白茅堂詩鈔示見詩云一盂豆屑粥見爾食常吐豈知道旁人
腹飢鳴似鼓飢民船云託跡苦無地朝昏傍大河河邊鴉與鴨
不及飢民多示奴云蕭閒山水是生涯不比神仙富貴家掃地
莫傷初長筍烹茶須避半開花似此仁厚之語王裒僅約未之

有也

吾鄉徐雲溪曉峯廉訪器識宏遠聲光隆鑠立功皖水游登台

司因公錦旋蓬門訪舊袖詩一冊見示其紀事之作皆身經百戰而略述其光景也其硯銘云掃機槍俾爾作干矛澤蒼生用汝作霖雨遺我子孫母使瓦礫爲侶爲袁後臨侍御題石云相彼拳石孰與爾堅磨而不磷功可補天豈一邱一壑之才也當位置於燕然東臬沈節母詩云撫孤難死節易死節一身輕撫孤宗祧寄况乎上有白頭親下有黃口兒皆未亡人一身之所繫孤兒已矣孤孫孤問天不語唯天呼於戲寒燈夜夜照冰雪仰事俯畜母少缺請君試看嫁時衣淚痕盡化猩紅血乙卯立秋懷袁午橋都御暨小午太史云赤帝無權司烈日暑金風乘勢

伯山詩話續集卷一

今

捲蒸雲藉知景物隨時換頓覺炎涼此日分塞外雁鴻應結伴天涯兄弟久離羣清商消息何須問長笛一聲天際聞道經潦梁之黃泥埠云舊時春社是誰家籬落空餘水一涯蝴蝶不知人已盡雙雙猶鬪野塘花潁川凱旋卽景云鐵甲光寒耀日明凱歌聲逐陣雲平歸來兩岸芙蓉笑一路清芬送到城客窗聽雨云旅館孤燈罩晚煙一窗風雨對愁眠來朝斫盡芭蕉樹不許秋聲到耳邊字裏行間皆有英氣是豈小儒之循章摘句所可比乎

吾邑張子譽

嘉樹

通守著有友恭堂詩鈔宦游浙日類多題詠

余賞其詠蘇小小墳云粉黛亦千載湖濱只一邱羨卿成絮果有客替花愁斷碣藤陰胥沿隄柳色柔錢唐才不少名獨美人

爾悼亡詩摘句云臘有靈龜占悔吝恨無扁鵲識膏肓又云封侯夢醒知何處戒旦人遙易感秋又云未免有情傷奉情可憐無福嫁黔婁又云福地早知成玉化禍機何苦孕珠胎天涯兵燹剛三月人世風輪又一回蓋恭人隨宦於浙浙亂前倉皇回里厲居馬溝生子後十數日憂勞病故子譽敘事分明情文斐惻不忍卒讀也子譽人都日游草亦富余最愛其過十二連橋詩云獵獵風沙計日過長安消息問如何虹腰十丈馬蹏倦殘照一鞭人渡河又云闌干十二影橫空虹影遙遙碧漢通莫唱江南魚戲曲田田荷葉也西東其他好句如功名可信關天分時節何堪各異方又云桃花人面空惆悵柳色旗亭自往回又云萬劫都憑天意轉百年幾見月輪圓類皆風姿搖曳朗朗可

伯詩話續集卷一

九

誦

余之詩話有海外星使姜姓至京師琉璃廠購得一部深為擊賞趁使舟帶回副使某未得怏怏不已江都錢子奇行篋中有此舉以贈之喜甚錢歸告余時頗自得近閱宋楊龜山先生遺事云昔西南夷嘗以梅聖俞雪詩織布而歐陽永叔只於野錄載其事不入誌銘蓋姓名爲蠻夷君長所知豈足道哉龜山行狀中載高麗國王事所以不得書也時閱此論則又深服昔賢之識見大而遠矣

宋呂侍講贈楊進之詩云獨抱遺經唐學士差強人意漢將軍國初某上某詩云分陝旌旗周太保沸天鐘鼓漢將軍贈人詩如此鄭重宜也又有某詠藥中甘草句云歷仕五朝長樂老未

曾特將漢留侯何工妙乃爾

甘泉俞振宇

宏勳

大學喜讀陸劔南詩著有西岑書屋詩存湖

上看桃花云此日平湖上桃花肯媚人黃鶯嬌獨語不是昔時

春京口歸舟云山雲作雨催春去江水爲波送客還哲嗣朗夫

楓大學世其家學春晴云輕暖輕寒日影斜游人芳草悵天涯

柔絲一縷東風裏撲上楊花又菜花山莊云迎門一水臥垂楊

風東連錢錦帶長昨夜忽添三尺雨釣磯深處浸昌羊其最工

秀之句尤莫過于憶山居云石首來時開芍藥畫眉啼處熟櫻

桃二語也

甘泉談蓉舫

恩諒

待詔著錫山書屋存稿詩多工整清穩之作

湖上漫題云赤岸湖邊路尋幽到水涯閒情寄鷗鷺風味足魚

伯詩話續集

三

鯉春雨延瓜蔓秋風長稻花山翁與溪友把瓊話桑麻寒雀句

云爭枝瞥過初陽裏得食羣飛暮靄中春雨云翦韭賓朋今夜

款賣花聲待隔宵聽春草云深巷滴殘吳苑雨長門開老漢宮

花

儀徵車竹君

元春

廣文甲寅年因公來泰與吳小芝僦居僧舍

昕夕過從竹君詩如束筍荆門游草中尤多佳構登迴鴈峯同

徐肖坡云三千餘里同爲客七十二峯高插雲古木陰森風浩

浩清湘屈曲水云云萬家煙火分明見九辨離騷不可聞鴈自

迴翔人自在憑欄空復憶斜曛瀟湘道中云白雲終日笑人忙

荔浦蘅臯又夕陽九曲青山萬竿竹櫓聲如鴈過瀟湘楓橋晚

泊云金閭門外古楓橋七里山塘趁晚潮一曲吳娘歌未了蓬

窗暮雨已瀟瀟其贈余詩有云說來匡鼎頤先解老去馮唐鬢已皓

甘泉吳小芝

世鈺

州佐著有蝸牛廬草蘭儀道中詩云蘆花瑟

瑟柳絲絲匹馬行來獨覺遲不雨不晴天易晚等閒過了立秋
時鄭州云濃雲如墨殷雷聲屈指長途十日程僕自乞晴人乞
雨大家心事不分明小芝才氣跡弛而語自醞藉

小芝以先大父暮橋

魯

府倅古愚軒稿見示暮橋家務總蹉後

此中落然拂鬱之境無損於礪格之胸發于詩歌類多通倪晚
泊云薄暝停橈處茫無岸可登帆收川上雨人語葦間燈水遠
江千里天空雁一繩西風蕭瑟裏獨坐似枯僧夏日憶焦山云
萬里江流到此寬海門相近聳孤巒涼雲封戶蝸牛小老樹撐

伯詩續集

五

天石壁寒京口挂颿沽酒易斗邊問信泛槎難終須避暑尋前
約雨笠煙簑一釣竿江行雜咏云江上蘆花頭白早山中楓葉
頰紅遲鴈流孤響客偏聽漁守空簪魚不知曉行云捨棹尋途
夜正闌回頭殘夢落江干平生不慣因人熱破帽疲驢耐曉寒
其胸襟如此

江都謝守之夙精金石之學性古樸工詩癸丑歲前述懷有句
云事去何須生後悔切來原不許先知郡城亂離語爲讖矣又
句云黃葉孤村愁裏住綠楊老屋夢中還亦佳

吾鄉王子石舊名

杜

今更名

桐

見余詩話之輯作詩見贈有人

多附驥場眉早我媿登龍點額遲之句余用來韻贈其計偕入
都亦有終軍才略驚人早鄧禹功名笑客遲之句越日子石袖

稿見質嶽嶽懷方英英露爽洵未易才也集中有義士行一篇
爲戴儀廷作詩重義行故首登之詩云義士戴君孰表其微義
士有友死無所歸上有老父下有孤兒寡妻泣血莫知所爲義
士曰于我殯附身附棺者吾獨任之一爲具衣冠斂以巨棺不
取其值友父何顏竟取其值友家甚寒故減其值得兒長乃還
是謂行其心之所安二死者已矣生者誰顧顧友之父危如朝
露顧友之兒呱呱待哺義士謂友父孤兒善保護兒能讀書請
就外傳有不足者量力而助三嗟嗟義士人笑其愚憎之多口
皆賤丈夫吾謂此舉古有今無今能行此聖人之徒如義士者
乃可將伯呼議義士者請爲絕交書四他如入都別弟句云亂
日偷安難畫策平時作福要隨緣別內子云翁姑要當爺孃看
惜集隘不及備登

子石讀白香山集書後云老嫗猶知絕妙詞晚唐詩教待誰持
江頭送客聽楓葉洛下參禪放柳枝清婉文章先夢得從容出
處傲微之海山深處風能引願向仙龕一問奇知人論世不深
不淺最難得此副筆墨

徐竹江金陵懷古有句云金川門破周公忍鐵鎖江開孺子冲
王子石和韻云梅花有節標忠義瑤草何能輔幼冲兩押冲字
俱妙其借對處如周公忍孺子冲梅花瑤草皆觸手紛來異樣
巧妙

吾邑王寬甫

仁淵

明經詠史十二章多有見地余賞其中一首

云三代後堯舜首推曹阿瞞曹家有父子禪讓開其端王莽作周公猶云暫居攝曹丕託虞夏公然承帝業魏武雖英雄徒爲始作俑司馬循厥例陵樹荒遺塚一傳復再傳宋齊與梁陳嗟哉二百載朝廷無君臣但知四海富共羨天子貴詎問南河南當年有人避開國如唐宋并不稱盛治惜乎禪代間猶與後人議平陽與蒲坂精光永不磨獨異三代後堯舜何其多意亦猶人而說得透闢是以可貴早行詩云雞聲催客起旅店板門開殘月背人落曉風吹面來車燈光漸澹征鐸響何哀萬壘紅雲裏朝暾出樹隈五花橋渡河云橋斷溪深可奈何平隄滾滾起洪波揚鞭呼渡朔風緊人馬一船同過河官軍收復揚城句云

信詩書續集卷今

三

天假黃巾完浩劫地因白起變深坑官兵討賊云趙卒無辜逢白起唐臣終竟滅黃巢兩用白起事皆奇確沂水山行有石角當車似螳臂輪蹄迸鐵出豺聲之句尤覺警拔寬甫弟正甫義淵與兄頃筮迭和野眺句云天淨雨初過樹遙煙自生偶題云車水有潮隨腳轉野船無舵倒頭撐詠雪云地非斥鹵鹽平積畫出湖山粉太濃又云有曲自應歌玉樹舉盃權作宴瓊林亦工妙

門人劉春墅

天榮

文學胎息唐賢詩多工整泊三江口詩云蓬

窗獨坐已更殘翦燭攤書與未闌客裏有詩和酒到船頭得月帶潮看孤身倍覺征程苦瘦骨難支水氣寒但望來朝得風利一颿安穩渡江干輓游擊將軍袁貴戰歿云孤軍深入粵西山

海上登程鬢半斑慷慨獨能期一死將軍無怪不生還秦淮雜
詠云阿男好句重當時記得漁洋雜詠詩知否棲鴉流水外青
溪舊有小姑祠小游仙云霧鬢雲鬢貌絕倫誰知劉阮戀紅塵
郎君重訪天台路只恐桃花笑殺人又云楷法眠蠶寫萬行彩
鸞詩韻墨飛香神仙也有饑寒累日日天涯賣字忙過楓橋云
金閶門外柳條條十里寒山入望遙正是清明時節近滿篷煙
雨過楓橋俱朗朗可誦

宋史河渠志黃河隨時漲落故舉物候爲水勢之名自立春之
後東風解凍河邊人候水初至凡一寸則夏秋當至一尺頗爲
信驗故謂之信水二月三月桃花始開冰泮雨積川流猥集波
瀾盛長謂之桃華水春末蕪菁華開謂之菜華水四月末壘麥

結秀擢芒變色謂之麥黃水五月瓜實延蔓謂之瓜蔓水朔野
之地深山窮谷固陰沍寒冰堅晚泮逮乎盛夏消釋方盡而沃
蕩山石水帶礫腥併流于河故六月中旬後謂之礫山水七月
菽豆方秀謂之豆華水八月葵亂華謂之荻苗水九月以重陽
紀節謂之登高水十月水落安流復其故道謂之復槽水十一
月十二月斷冰雜流乘寒復結謂之蹙凌水才信有常率以爲
準余東陳茂亭農部詩云我有瘠田難養拙時逢信水更添愁
茂亭來游時方二月杪水澤大至吾邑每逢湖水下注下河田
疇盡在水中余故憂之云云或問余信水何謂余因直書此以

對

江甯張仙槎寶布衣性嗜游覽足跡幾半天下徐霞客之後復

見其人刻有巖槎圖五冊遍徵名公詩句鮑雙五桂星少宰題
云吾行半天下足跡尙輪君再見徐霞客前無宗少文交游多
俊及筆墨總煙雲畫冊兼詩卷風流海內聞

凡說詩者易于恣滯杜詩十二月一日三首末首有卽看燕子
又山扉豈有黃鸝歷翠微短桃花臨水岸輕輕柳絮點人衣
人謂十二月一日有燕子黃鸝桃花絮或他處無有而雲安
有之此真肌說彼讀杜者未曾終篇蓋末有他日一杯難強進
重嗟筋力故山違二語謂他日之景恐不能如今日之賞翫也
且三首之第一首中有未將梅蕊驚愁眼要取椒花媚遠天之
句夫梅尙未及見豈遽有桃柳可見乎且第二首末有春花不
愁不爛漫楚客惟聽棹相將遙憶春花直到桃柳豈非過峽語
乎公詩律最精細不亂一絲不應一口兩舌彼讀詩者匪獨不
能顧後亦不知瞻前搖筆弄舌烏可函莽乎於以知作詩固難
說詩尤難卽讀詩者亦復不易也慎旃

唐賢登慈恩塔詩如岑嘉州杜子美高達夫三詩可謂工力悉
敵鼎足而三岑詩云秋色從西來蒼然滿關中五陵北原上萬
古青濛濛杜詩云高標跨蒼穹烈風無時休俯視但一氣焉能
辨皇州高詩云秋風昨夜至秦塞多清曠千里何茫茫五陵鬱
相向是也此外又有儲光義詩云誰道天漢交迢遙方在茲冠
上閭闔開履下鴻鴈飛非不警拔已不逮岑杜高三公之作昂
首天外矣薛據之詩又無論已庚午秋余游金陵登報恩寺塔
詩云金陵古雄鎮寶塔蟠地紐攫身上幾層足趾越林藪盤空

門洞豁龍象闢戶牖一望不知處坤輿鬱廣厚伊南越閩亘經
北燕趙走蜿蜒路萬千此處驪龍首高天無烈風往來塔中有
僧伽趺插足松喬喜抗手箕絕令人怖形勢亦太陡昔人作功
德祇此垂不朽青蒼仗佛力庶足要平聲長久余生諸賢之後
自傷足跡不遠眼孔亦窄况才質疲繭不能發揮盡致也然境
地不同或可自解

漁洋詩話載邵陽孝廉康孟謀乃心莊裏王墓詩蓋從慈恩寺
塔壁見之因爲之揄揚一時名噪輦下沈文愨乃謂王新城欲
顯揚其名而其詩猶未能副其實此又任意排衆議而獨騁已
見也余謂此詩清刻有之而淋漓盡致才不可揜耳詩云原廟
衣冠此內藏野花歲歲上陵香邯鄲鼓瑟應如舊贏得佳兒畢

六王

傳詩譜續卷一

六

丹徒趙亦樓仁山年逾七十兵亂後旅食風塵懷中刺滅篋有
篇章孰爲羔雁自述句云無端烽火經三載不渡彭蠡已二年
又云春秋富我花間月貧賤驕人酒後詩又云今夕親朋稱上
壽全家兒女各他鄉燕子磯云燕子胡不飛化作一卷石燕子
胡不歸江南望江北錄此四語竊爲此老哀之以見末路之悠
悠勞人之草草也

詩人趙小樓大猷家住艾陵湖上有樓枕湖時從京師還以詩

稿見質中有乙巳年六月十五紀水災行詩甚佳因篇長未載
集首題辭趙穉梅詩云謝公隄外湖水秋謝公隄下官河流曉
風吹落一聲笛人倚月明何處樓朱雲溪題云一枝妙筆有誰

同半是天公半畫工數典徵書亦何用不如君出性靈中曾指
淚眼哭蒼生紙 upper 于今聽有聲絕似流民圖一幅邳州六月水
災行

益陽湯海秋

鵬

侍御著有海秋詩鈔余耳熟久矣而未見也今

輯三續繕清稿忽聞王子勤太守家有此本借讀一過則見垂
天之雲大河之水不勝睥眦駭歎始割雲一角挹水一勺可耳
或謂錄之太隘不足以饜人之心然一角之雲自可知垂天之
勢一勺之水自可味大河之流奚不可乎黃金臺歌云天昭兮
日星明地固兮河嶽并燕昭仁兮郭隗榮獨立蒼茫兮吾泪橫
久不得家書七首錄二云朝望家書來暮望家書來山川浩浩
隔愁懷安可開出門見行人言從湘水隈約略問鄉井沈思轉

伯詩話續集卷今

七

成猜悠悠白雲下悵望東南天滄海無停流骨肉有常圓徘徊
重徘徊夜夢何肫然上堂拜父母白髮舞蹁躑下堂呼弟妹爛
漫供盃筵父母良我慶弟妹良我好里閭姻婭間良不我懊惱
醇醪不言醉醉後耳忽熱骨肉不言思思腸暗中結憶昔朝朝
天書生腐可憐父母重念我一月書一篇中間稍踈濶一歲三
五書今茲太迂滯一歲兩書無慘慘遊子顏寂寂長安居眠食
一以闕肥瘠將焉如愁深不可道出望門前草草色何青青東
風吹嫋嫋我懷鬱不開美景爲誰好反行路難云太行峩峩與
天齊下有平地吾息棲黃河浩浩沙土裂中有清流吾度之請
看古來行路人愚者枯朽知者伸周公居東鳴鶴惡制禮作樂
昭其文孔孟皇皇不煖席道高端欲扶崑崙屈原沈汨羅千載

爲悲辛荀卿徙蘭陵其書乃大醇馬遷囹圄雄投閣擬經修史
凌邱墳奔波身事得李杜光芒萬丈垂嶙峋青天白日爲俯仰
顛風苦霧皆精神君勿悲歌行路難人生到此天骨完回我輪
與蹄莫上十步九步之巖巒理我橈與棹莫犯崩山泣石之波
瀾蛟龍連蜷不能攫其肉豹虎呀呀不能啄其肝紫芝擢澗秋
霾刪古玉埋穴鬼物環伯樂一過駑駘頑丈夫豈合長摧顏今
夕行三章錄二云今夕何夕秋風發川水欲永山見骨老蟬咽
啾著樹乾瘦蝶伶俜撲窗哭秋風於汝意云何嗟我與汝本殊
科牆上之蒿不可倚莖枯葉脫無回波今夕何夕秋月白河漢
迢迢夜脉脉天上雙星太纏綿人間一劍獨躑躅身無羽翼凌
天閭投壺玉女難依傍短飛靄靄勿復道蟾蜍知我之心腸郊
行云出郭延秋色下馬立斜陽野澗山千點天高鳥一行雨生
空際綠雲向斷中黃來就東家飲枇杷樹樹香聞鴈云送響入
虛空春長萬里風鴈方來北地人苦憶南中借問洞庭水應憐
客子蓬鄉書勞汝寄斟酌旅愁工陶然亭云萬點蘆花撲羽觴
百年客子怯秋光西山如幕邊雲紫古刹無人木葉黃袞袞物
華隨歲月飄飄旅宦有文章登高騁望乾坤大何處烟波是故
鄉再贈唐鏡海先生云飽讀羣書鬚髮老半生羈旅雨風孤燕
齊楚粵天青紫援鶴沙蟲人有無年少或能欺杜甫道高端不
泣楊朱悠悠弄玉吟風意茂叔何曾是腐儒長千里云女莫嫁
長干長干競商賈月莫照長干長干秋思苦幽州九日云滿把
茱萸當采薇天涯九日淚斜揮登高怕見南飛鴈人自傷心鴈

自飛侍御每一搖筆輒有數千言集杜詩五律亦有一百六十首之多從來詩人未會有此余曩見夢文子麟司冠詩集中多長篇頗類侍御然其曼衍處猶不若是

又白日幽州女詩云白日幽州女年可二十餘生小不知愁聰麗與人殊十三繡衣裳紫鳳夾天吳十六整雲鬢雜珮鳴瓊珞二十無夫家慈母爲嗟吁母兮忽已歿黃金忽已少華屋不得居兀倚蓬屏曉摘彼明月瑞卷彼朱萼褫去換薪與米以贍兄嫂貧阿兄不解事掩泪難開口草草嫁秦中夫年四十九入門但低頭瑟縮羞明月且傾連理盃更訂同心結不憾夫君老但憾妾緣慳本非鳳皇儔安得巢仙山不憾妾緣慳但憾妾顏色若非桃李花那得狂夫折人生若朝露太息千萬端妾聞班婕妤好團扇憾棄捐但道棄捐苦不識相逢難我欲盡此曲此曲悲且繁此曲宛轉關生恰到好處

伯山詩續集卷之六

七

臨桂朱伯韓琦侍御詩有盛名曾作新鐫歌數十章以紀我朝開國武功之盛前從友人行篋見其抄本惜不能記憶祇記其費英東陰山塞二曲陰山塞云陰山塞花馬池池上煮鹽多健兒西北面面皆距河柳可爲笥地宜駝麥粿有鐵可鑄戈年年巴噶來議和費英東云費英東儒將何雍容額亦都殺敵心膽麤順科洛沈勇多智略三子信神駿直義尤桀卓飲玉歡然篤勲舊銀黃兔鶻看輻輳問誰虎視立殿前老臣諤諤建正言我尤愛公能好賢

長沙李梅生杭太史有小芋香館詩鈔人傳其莫愁湖詩云莫

愁何處住住在湖上頭年年湖水綠流不盡春愁

文士習爲辭章不能詩者無論已卽善詩者亦不過完其本分非罕事也若武臣壯夫素不習此而隨口歌謳有如天授如六朝沈慶之上偪成詩云朽老筋力盡徒步還南岡辭榮此聖世何媿張子房曹景宗奉敕成詩云去時兒女悲歸來笳鼓競寄問路旁人何如霍去病陳曹兩詩動合天籟而結意亦不謀而合彼文士之弄柔翰必務鋪排點綴何如此之磊落英多耶

詩用疊字三百篇中每下字鏗然實爲顛撲不破如雉鳩曰關關鳴鴈曰嘒嘒黃鳥曰交交雞鳴曰膠膠鹿鳴曰呦呦馬鳴曰蕭蕭蟲鳴曰嘒嘒體物審音各不相假倘謂鳩曰膠膠鴈曰關關鳥曰交交雞曰嘒嘒則斷乎不可矣謂鹿曰蕭蕭馬曰呦呦

伯詩話續集卷

三

則愈不可矣且楊柳曰依依桃華曰灼灼松栢曰九九棫樸曰芄芃卉木曰萋萋亦稿切不移狀人之氣象穆穆非天子不可皇皇非諸侯不可濟濟非多士不可厭厭非良人不可他若草草爲勞人悠悠爲行路此倣倣實形尾瑣之子屑屑泄泄是爲讒慝之夫人難匿影物無遁形千古文章周已郁郁後世以類充之則有膈膈膊膊磊磊落落淒淒切切纖纖團團諸疊字矣司空表聖詩品曰采采流水蓬蓬遠春蓬蓬二字加於遠春之上是有可解不可解之妙會心人共領之則知古人疊字多非妄下也

詩三百篇宣聖謂多識鳥獸草木之名夫草木之入藥而別立其名者亦不可指數如采采芣苢芣苢車前子也陟彼阿邱言

采其蝨蝨貝母也山有榛隰有苓苓甘草也牆有茨又楚楚者
茨茨蒺藜也南山有枸枸枳枸也山有蔽薇隰有杞楨杞楨狗
樞也中谷有蕓蕓益母皆是也

白香山琵琶行自轉軸撥絃三兩聲下已曲寫琵琶聲調至水
泉冷澀絃凝絕凝絕不通聲漸歇則一曲畢矣下曰別有幽愁
暗恨生此時無聲勝有聲則含情不盡當以無聲之聲了之何
以下有銀餅乍破水漿迸鐵騎突出刀槍鳴四句也此一疑義
又云嘈嘈切切錯雜彈大珠小珠落玉盤間關鶯語花底滑幽
咽流泉水下灘此蓋寫琵琶之或疾或徐俱成曲調間關鶯語
下應下一滑字而幽咽流泉下宜有許多曲折停頓不得遽曰
下灘矣此亦一疑義有老友告余曰古善本香山集無聲勝有
聲句勝字乃復字也幽咽流泉水下灘句灘字乃難字也余固
未見此本細思復字難字近是而難字尤覺語妙姑存此說可
耳

伯喈續集卷之四

三

世誼新安洪承儒純士

同里宋佑生雲樵

夏嘉穀少舫

門人劉天榮春聖

陳篤慶文卿全極勸

伯山詩話三續集卷一終

伯山詩話三續集卷二

話今

泰州康發祥瑞伯氏編輯

門人王鴻業雪颿校勘

江都汪舟次

楫

檢討與宛陵施愚山櫟下周櫟園三韓孫豹人

吾鄉吳野人相友善山間詩鈔中與諸君倡和之作甚多答豹人詩云劒氣沒已久君來何所望登臨一浩歎彷彿有光芒白草收殘霧青楓變早霜哀憐與慰藉書卷最淒涼與野人豹人王安節諸子集天甯寺杏園云落日散芳草暄風下高樹步履隨鳴鳩正與鐘聲遇萍蹤忽然合各各述行路江右無鱗筐河北無清酤炎方當此日早有流螢度誰能誇汗漫但許畱詞賦相逢且復飲請看髮多素紫峯閣有懷吳野人云我登紫峯閣

伯山詩話續集卷二

一

正對梅花臺老友吟詩處梅花爛漫開山迴風不下花落蝶還來臘酒家家送何由共舉杯吳櫟園先生云每逢佳士必書紳最愛吳陵吳野人一卷新詩誇國士百年荒海識遺民牙籤插徧烏皮几柴戟迎來折角中江左風流千古在文章交道總如神閱此詩則野人之品望可見而櫟下之延攬亦可見也

余曩讀儀徵貴仲符

徵

之制藝精深博大後見安事齋詩鈔亦

典雅修潔間有攷証實與制藝爲兩副筆墨古意云主人患鼠夜盜肉乞得烏圓傍厠宿烏圓噬鼠鼠常逃羣鼠不復來竊膏豈知嗜肉不嗜鼠夜呼羣鼠私與語羣鼠戢戢拜下風誓將竊肉奉乃公但願乃公斂牙爪此生不復憂鮮飽花陰日午言嬉嬉此情勿令主人知曉過丹陽云崇岸河流澀浮舟僅半篙市

樓臨壞堞估客聚長壕香火叢祠盛煙雲一塔高輕寒應作雨
料峭入征袍鱗魚云時出正綠鹹淡水陳思名理試分疏自注
云曹植說曰鹹水之魚不游于江澹水之魚不入于海今按鱗
魚本屬海魚春夏之交潮汐盛鱗魚偪入于江而突非其所習
故爲漁人所獲且櫻網卽死其氣先竭也攷核亦自可貴

大興舒立人

位

孝廉瓶水齋集余曩時從友人處見之後輯詩

時獨無此本故前此失載今從吳蓮芬觀察處借得觀其各體
皆佳而尤工於樂府集中蘆溝橋行一首特臻語妙殊堪嗟嘆
云蘆溝橋來去路舉子忙關吏怒青袍中央坐廳官兩廊吏役
圍春寒公車厯祿止橋側一一呈取文書看彼官肉食不識字
以目上下僞作觀衣裳在笥書在腹公雖無稅私有然爲言咨

囊久羞澁恰有二百青銅錢供君一飽如律令君其努力頻加
餐麓官睨錢如未足買茶拾矢再三瀆增之一分笑口開車聲
隱隱過橋來漂母祠云長樂開鐘室淮陰失釣筒後先兩女子
生死一英雄知己自難得封侯竟不終至今祠畔樹獵獵起雌
風夜發湘陰縣云湘月一痕初湘煙四面鋪夜來天似水客夢
楚連吳青草飛胡蝶黃陂唱鷓鴣三更最奇絕門外洞庭湖琉
璃河絕句云琉璃一曲石橋波中酒攀條歲歲過送盡行人還
自去道旁楊柳已無多東阿城下作云建安人物不同時行盡
山阿覺路歧封建已成桐葉戲嫌疑難感豆箕詩酒邊走馬思
年少波上驚鴻赴夢遲惆悵卜三行自在一生贏得是相思寄
稚川云年年遼海悵西風况是唐衢哭最工誰識文章三戰北

忽隨煙霧一竿東掉頭忍爲鱸魚去市骨終期駿馬空不比長
門閒賣賦故人早晚薦揚雄通觀立人詩樂府諸作真有銀瓶
瀉水玉盤走珠之妙五七古用韻轉韻處往往如風行水上自
然成文近體詩多講對仗工巧食用故實不免有君惠才多之
弊蓋餽釘多而雄渾少也識者鑒之或不河漢余言

陶淵明桃花源詩本是寓言恰非實事唐王右丞韓昌黎詩已
盡其妙再難言說餅水齋集中有仇英桃花源圖詩竟似實有
其地矣而詩筆極奇特有句云君不見阿房宮中三月火函關
一丸不能鎖火光迸入武陵谿烘出桃花紅萬朵秦人避火關
花香漸入佳境非故鄉外觀蛇鹿內雞犬一十七史龍元黃又
云太守何須更問津仙人大抵無情人無情有情轉愁疾但見

山深而林密云云又是一副筆墨不可不爲之摘出也

赤壁詩云八十萬人一火燒大江水湧東風焦舟中之指不可
掬烏鵲繞樹魚龍騷謔謔出出臺社謠楚炬調調之刁刁笑如
其來第幾爻不待卜戰龜先焦周郎年少孫郎豪阿瞞老去慘
不驕來時水上願一塵去時火中攙一逃三步腹痛何處橋恨
不春深鎖二喬前此長平四十萬天陰鬼哭白骨銷後此連營
七百里畫圖一一裂紙條炎精赤烏當塗高樓船鐵鎖雪捲濤
須臾三馬同齧槽金甌缺處如破窰青天一髮橫魚舫古無人
蹤石礁曉春江花月以酒澆有客鳴嗚吹洞簫立人此類詩如
宜僚弄丸公孫舞劍是其長處但騁才街博每有趁句如此詩
中三步腹痛二句可刪此用小杜東風不與周郎便詩意然喬

元之喬卽是橋字不必疊用須臾二馬兩句亦可節去嫌與上
下詩意如橫風吹斷也

邯鄲道上作最有風韻詩云細雨濛濛掃薄埃邯鄲道上杏花
開春愁宛轉隨車轍古意蒼茫付酒杯未熟黃梁唐小說已埋
青草趙叢臺不嫌茅店知音少曲項琵琶夜抱來余又摘其句
如遙夜云鐘魚蕩湖邊寺燈火高低水上樓濟州道中云月
子彎彎秋有信星辰落落水無邊詠史云河朔終歸唐土地巴
西初論漢文章是皆警拔

新安程鄂軒

梁功

孝廉簡敬公之哲嗣也著有潔華館詩稿郵

寄見示集中樂府篇什諸多奇作摘錄其尤者齊雲山浩歌云
天門詠蕩開石隙萬嶂圍天天宇窄我梯雲棧叫帝閭到此鴻

濛濛一闕上界清虛碧玉府珠簾不捲晴飛雨峭壁嵌碑神座
旁古人名與真仙伍腳踏青霄還進步黃冠引我雲房住一盞
清泉不敢嘗恐教惹出驚人句靈區閱閬仙所都碧琉璃瓦黃
金鋪鐘鼓無聲旂自展石屏疑畫非人圖連山四走忽中斷一
峯突起成香爐有如高士出塵表傲兀不倩旁人扶幽徑橫穿
不數里云是璇宮舊基址鏤石埋龕木偶多幻相都成叶光紀
吁嗟乎元天神妙難形求增華矯飾山爲囚鑿竅已足死混沌
况復黔頰髡其頭我欲向天借取霹靂斧銷磨一洗名山羞塵
容滌盡露眞面對此刮目清雙眸天池爲釀不用筍北斗可挹
不用甌大烹駝峯忽石籠三姑五老來獻酬愧無微權能拘物
此論雖創如懸疣卽尋來路下山去長松送客風颼颼鄂仙此

詩蓋謂大好山水多出自然不待修飾其名勝處每被山僧廟
道憑虛捏造奇形怪狀啁啾凡愚以爲射利之具豈不大可嗤
噓深堪浩歎故議論若此爲山靈一泚其忿爲風化一起其哀
殊覺韓昌黎北山詩盡力寫山之形狀而尙無甚關繫也下山
至望仙寺題壁云飽看煙嵐後方知天地奇水清疑有骨峯險
勝于詩夾道松陰合出山雲影遲狂吟四十字落日未全歛南
陵縣云路出南陵縣孤城帶夕曛溪流清似我山色淡於雲問
酒尋茅屋因碑得古墳輿中閒覓句高詠有誰聞新嶺云舍車
步新嶺月黑迷遠山涼風滿高樹古寺棲雲間老僧喜我至借
問何時還一笑不復答去來心自閒在平道中云東風日日送
征騑二月楊枝綠尙微周道有人爭馬矢矮檐昨日臥牛衣酒
無魂魄尊常冷水帶沙泥茗亦肥回首家園多筍蕨若論口腹
便宜歸鄂仙又善畫梅題畫之詩亦哀然成帙未能備登姑從

割愛

新安程鶴槎

梯功

孝廉爲鄂仙之哲弟鄂仙詩祖昌黎鶴槎句

近白陸兩君詩清迥無滓雄秀有骨學具源本俱臻絕妙鶴槎
有初桃齋草大雪三首錄其二云城中三日寒門外數尺雪風
聲凍欲死山色遠還滅寒犬吠深巷鄰翁來蹶躡爲言具清醴
一醉無餘說小窗疑月明滿座生光潔湛然虛白中微紅見糟
柚我病豈耐冷衣食幸無缺豪家擁貂裘尙說裘不熱可憐路
旁人僵臥骨如鐵其二云有客叩門急滿面飢寒容坐窳問所
自答言自甬東官軍久未至逆餒張愈凶老馬伏櫪下銀貂飲

帳中白戰無寸鐵天亦難爲功人間雪色白海上雪獨紅小民
甚知罪無計籲蒼穹但願死邱壑不願生兵戎死作故鄉鬼生
爲他人傭他人足衣食氣類苦不同自我竄荆棘性命如飛蓬
天陰衆鬼哭風偏兩耳聾還家對妻子夜靜猶忡忡客言亦以
悲世路亦以窮安得被重鎧戰艦飛矍矍三更冒雪花一掃檣
槍空此事若能遂卻憶李涼公律詩如延平曉發云雙劍不知
處大川終日閒朔風戰枯草寒月鑄尖山忽忽還鄉夢勞勞損
壯顏龍光難久閱看取斗牛間宛州道中云萬物各生意我行
何太勞風吹泗水遠日落嶧山高命薄誰知己身閒負 聖朝
尙容鑽故紙未敢羨漁樵劇暑渡仙霞嶺云手撥層雲上碧巔
松多攪網不知年清泉快瀉玲瓏石破屋斜穿縹緲煙夾道竹
陰篩鳳尾蒸人火色上鳶肩此行漸與青霄近願捧銀河落九
天絕句如雲山閣云雲影山光與目謀月明二十四橋頭閣中
不見呂公著客裏誰知秦少游水亭懷古云獨孤鷗詠久沉淪
池月于今尙滿船莫向水亭亭畔過此中大有畫灰人其寄託
深遠矣

鄂仙鶴糕兩君千里來函題余詩話書中之語愧不敢當鄂仙
詩云伯可蒼涼傳樂府對山慷慨撥琵琶何如一卷新詩話羯
鼓聲高止衆譁鶴糕詩云一代詞壇矗海堦春風苦領萬花妍
西河小序鍾鏐品判斷騷人二百年鼎立三家蔣趙袁龍頭敢
信屬隨園瓣香特下鉛山拜此論懸門再不翻不獵聲垂薄性
情有關風教便心傾對山一去琵琶歇又聽先生木鐸聲五采

紅雲下草堂書來要我檢雲囊夢中零落邛遲錦敢乞天孫玉
尺量二惠競爽可謂難弟難兄余聞聲相思尙未謀面天際眞
人之想曷能已乎

新安洪筱圖

瑞文

太學余老友度如之令嗣庭聞有得而又得

程萼仙鶴槎兩君之渠嫂故詩筆清迥不同凡豔和高青邨集
中梅花十首原韻類多佳句有青出于藍之歎如莫道園林春
尚淺多情不在十分開古香不落性靈外眞氣直蟠耕鑿前冰
霜孕久香逾永天地心回色又空包羅衆卉成孤豔的皜一枝
標上春野橋貪看宵忘返古寺重尋徑已荒古意偏饒刪葉後
俗情不賞未花時此等句都從高處落墨空際傳神豈同刻畫
小家有傷大雅不圖英年輒有此老成之見也又題程君萼仙

伯詩畫稿卷二

七

畫梅詩云梅花標格本來清難得先生爲寫生枝幹迷濛饒雪
意文章古秀是天成桃麤李俗春無伴月落參橫夜有情此事
畫工都不解東風到處冠羣英

旌德汪壽芝

時益

世兄爲蓉湖學博之哲嗣詩能承其家學失

怙之後又喪配耦故所賦之詩方言哀而已歎也題畫二絕云
陌頭百花開枝葉影相接春風吹異香裹住飛蝴蝶秋浦清且
幽倒入山月影森森天一方露溼蒹葭冷秋燈七律云廿載寒
窗上素衣兒時情景未全非家無喜事煩花報案有殘煤照夢
稀竹屋夜深防鼠瞰玉釵人遠憶蛾飛芭蕉風雜梧桐雨挑起
愁懷事盡違月下懷絕句云空房有客未成眠露冷風淒月
正懸畢竟人間遜天上一年一十二回圓白華之思黃門之感

殊難爲懷也詠史之詩宜華夫人云仁壽宮中鬪豔妝宜華受冊受恩長如何肯受同心結忘卻開皇恨抵牾西施云吳宮寵愛冠三千響屨廊高厯歲年若使屬鏤遲賜死扁舟定不泛湖煙

旌德汪芷峻寶璽茂材詩稿與壽芝同時見質題某山園圖云

竹几焚香鼻畫屏澗泉尤愛枕邊聽不圖花氣侵簾溼溼透牀頭相鶴經是好所在而詩筆特峭蒨也其他佳句有衝波好鳥自來去傍岸閒雲無是非經霜野蓼花無力過雨殘荷葉不圓等亦可喜

儀徵吳蓮芬文錫觀察官四川予告歸僦屋於泰州三峯園

蒔花種竹詩酒流連與哲兄陶伯白首相依洵足怡悅胥宇日

卽承過訪出半螺龕詩存見示詩俊爽高邁學有本源送步香

南際桐出守慶陽云七年知已嗟分袂五馬重邀快壯游冠服

仍膺唐觀察羌戎兼領漢諸侯兩當山色爭奇秀九派河源任

驗流作宦未容輕萬里且探從古帝王州寶雞縣阻水云三年

三度過陳倉厯盡崎嶇爲底忙已覺名心饒俗累偏教秋思助

詩糧無家去住真難主作客情懷孰與商河勢漸高山漸窄眼

前已閱小滄桑此二詩聲調高朗余喜誦之五古有歎牛亦極

風趣詩云鹽水出深井駕牛轉汲之鹽成致賈富牛疲息無期

笙歌徹夜擾牛但食豆萁牛而牛者瘦牛而人者怡以牛益牛

富真牛非太癡牛豈不自惜苦爲人所羈何不脫鼻去飽食山花奇富順縣

五律云海脈隨泉湧金炊萬竈煙山光因地側江勢抱城圓富

庶眞無忝人材劇可憐文翁難再作空自憶前賢過猴馬嶺趙
曲等地皆值演劇書以誌慨云去年此日兵燹地此日今年歌
舞場瘡好自然不須藥大家深痛要思量即當驛云歇鈴日日
攪心忙舊夢先行到故鄉我亦三郎無賴甚不教今日歎郎當
此外有鄙陽湖中望廬山放歌樊太傅鐵鞭歌等作瑰琦浩瀚
惜余集隘未登

己未冬日余用詠物四題以作消寒之計一曰風門二曰研鑪
三曰羔酒四曰瓊鞞風門云耳中微聞玻璃聲日中時見日光
晶十八封姨斂衽立被渠攔住行不得陰闔陽開製轉側峭風
有時趁人入主人畏寒復生妬不及侯家塞門塞吁嗟乎郵亭
破碎譙樓高陶穴竄窳橋門遙戍卒乞兒太無賴鷓眠不覺風

刁刁研鑪云隆冬愛學書研冰掣我肘冰花纈研雖掣肘下策
火攻我自有鑪邊的礫煙雲鮮研邊閃燥鸚眼圓妄想研鑪設
處處霎時書徧蠻方賤君不見將軍寒日方征戍盾鼻磨墨盾
東破筆不及凍書露布參軍安得修期傳其下若羔酒云羔兒
酒一杯鵝毛雪數尺舉酒拒雪雪無力老人臉作燕支色當筵
不欲飫常供貪饗更想肴饌濃坐擁瓊裯列鼐鼎及時卿相多豐
巧吁嗟乎雪下萑萑應時有枵腹者誰夜深走鐵砮銅街擊刁
斗瓊鞞云王生結鞞禮數虔鞞材本是韋鞞堅後世瓊毛禦冬
製不知俶落從何年棉不比溫玉比削老人血少尙嫌薄瓊鞞
已著思瓊鞞得隴望蜀同此懷君不見田父販夫赤雙足道上
奔忙踏寒綠此四詩之作不過詠物而已實未嘗有寄託也時

都轉香鶴儕大公祖和章遞到風門云野馬騰輪不得展日華
鞭入玻璃暖虛明一片隔微塵大勝重簾費舒卷戶樞不靈妙
轉圓油窗鈴索亦禁寒茅齋紙帳相依倚雲母屏風一樣看研
鑪云喻麋濃汁光油油研冰乍解鑪香畱豈有東風到墨沼戲
看火迫松滋候獸炭輕烘鴿眼活叶字挾霜威倍有力宮娥呵
筆事尋常可信金壺血還熱羔酒云蟻綠鵝黃不足貴羔兒作
酒有深味徑將快泛藥玉船學士慎無嗤太尉萬羊之祿未爲
榮一石亦醉空復情不如祭韭躋羊意好譜新詩頌泰平羶韞
云温似吳棉軟似紙一曲行歌結韞子披旃小製勝行騰肯向
權門鞞珠履韞韞韞附注亦雄哉毳衣革帶先後來鞞尖趨倒成
功易莫是條條拆綫材都轉詩華貴深厚洵非淺學所能而來

書猶云不過詠物其厚德謙光愈不可及矣維時吳陶伯孝廉
蓮峯觀察次第和到陶伯依余韻和之風門句云轉寒爲煖計
誠高那及春回薄海遙門關洞開和煦徧窮檐亦免風刁刁研
鑪云君不見頻年烽火驚兵戍寒士研田寒欲破但求冰釋陽
春布潑墨轟雷圖尹傅羔酒云宰割天下贊神化問君兩事誰
爲功私心祇祝年大有歡騰萬姓公堂走朋酒羔羊酌大斗瓊
韞云君不見舞蹈歸耕着芒屨士民咸慰葛天懷履冰境界消
融足願拚赤腳踏徧天涯芳草綠陶伯命意皆高一層說第三
首結處與喬都轉同蓮芬觀察變七古爲五律風門云一紙虛
明隔風難入我門吹噓嫌雜沓闔闢異乾坤不許塵容僭常畱
斗室温打窗聽雪虐堅峻此牆垣研鑪云欲逞臨池意紅泥小

製工性情諳夏語頭腦笑冬烘誰信天時塞何妨下策攻寒灰
隨手撥自吐氣如虹羔酒云火酒肥魚社前時我亦豪白瓶情
共豔青友價能高境冷求中熱腸枯任老饕昏庸安醉飽仰望
首重搔瓊鞵云坐破青瓊境春風足下來錦方卑蜀道縣不借
長才異任關門謂吞常大節哀憐他雙赤者爲我冀寒梅四詩
皆有深意閱第四首似自感辭官遂初之心又深感令兄文節
公之死難友子之誼情見乎辭僅以泛泛詠物目之則不知味
矣越日儀徵巴粟園堂炳太學和詩遞至又變五律爲七律風
門句云傳語偶憑青鳥使催年暗度白駒光研鑪云石交自耐
寒盟久畫筆翻推下策攻羔酒云香從臘瓮喜相邀踏破園蔬
自解嘲介兜筵開同薦韭吉羊字好合銘椒烹鴛雅入詩人詠
各極其妙矣

醉飽無如此味饒何似風流陶學士祇知掃雪理茶銚瓊鞵云
着後渾如豹舄温吾家故物喜猶存不知誰爲凌風結遠勝人
和嚼雪吞錦樣遺來空冷落綫才量去漫評論因時更復懷東
郭革履寒穿自曉昏詞旨滄雅吐屬工情深喜見和之作可謂
南坡徐海年諱刺史曩任泰州時多惠政於下走尤加青睞接
見時多諄諄詢語後因病辭官作詩見示中一首云和緩難逢
疾可知途窮年老費支持上官恩重容肩息末吏言輕許力難
小隱尙嫌東海近再來深恐北山移烽煙極目何時靜芳草晴
川慰夢思詩和平敦厚泰州北門外舊有趙公橋年深傾圮
鳩工重建費用多貲落成之後民無病涉日昨過之因爲之慨

回不盡

己未年季秋范雨村制科由邵伯來天長崇琴川

桐林

由寶應

來同集於吳蓮芬之三峯園餽詠累日在座爲王子勤吳讓之
衆余與主人陶伯蓮峯共成七人適來了姓畫師在座爲七人
共繪一小照署曰三峯七老圖余紀以詩云雲鵬設色畫園開
鷗鷺從旁莫漫猜傷亂已成今面目消閒幸有好池臺天涯幾
輩晨星落海上三舟舊雨來邇日相逢作何狀半應懽喜半悲
哀七人鬚髮已全蒼我忝星居第二光天意或畱吾輩在風懷
不礙老夫狂江淮有客誇詩卷沙礫何因闕劍鏃此事後賢如
說着蘭亭初本好收藏星辰第二光句謂七人年歲陶伯最長
年七十四余七十三次之諸君以次遞數越數日雨村告辭歸

邵球余作喜晤范三於三峯園卽以送別詩云往日邗上游時
與共晨夕邗上值荒亂生死無消息旋聞君尚在我喜動顏色
日昨君來游大可攄胸臆入門卽升堂舊徑久能識呼名役我
兒渾不辨主客同過吳季重樽前共飲食譚諧猶似舊意氣異
疇昔如何亂離事絕口若未歷如何斗石飲今不受涓滴如何
都邑才卜宅甘幽寂如何來卽去不肯稽時刻高談兼微詞僮
僕皆蹴踏舊詩特許我似有嗜痂癖昔時雨花臺期會廿年隔
王九已宿草謂上子駿唐大又陳跡謂唐楚臣人海存兩萍何處張六翻
我爲齋鹽困竟忘頭雪白門外事奔走閣中東書籍無語就君
商翫游且笑劇輝輝燈燭光此境洵難得蓋余不見范三已九
年矣今既喜其來游忽又愴其別去故不覺言之喋喋不已也

雨村之詩余初刻已輯錄之今披昭關游草有夜發鍼魚口云
江氣微茫白舟行帶遠星夜寒潮暗上夢豁酒初醒畫閣三秋
戍衰揚十里亭榜人喧歷亂支枕不堪聽昭關絕句云慘慘平
蕪接戍臺關門斜處亂峯開卽今小峴山頭月曾照英雄白髮
來

陳茂亭農部於甲寅春季在泰以詩集見示併梅詩云置梅簾
餅中梅花開更遲出門望屋角已是桃花時余署其後云簾餅
非置梅之所桃花有爭豔之時試問息影三年何若出門一笑
也茂亭見此粲然蓋服闋後久未就道故云爾也

余前錄吳野人詩喜其新僕詩中有呼名答尙疑又猶然是人
子過小莫輕答之句以爲仁人長者之言旋閱昭陽顧藕怡仙

伯詩話續集卷下

三

根詩鈔中亦有新僕詩云上堂復下堂含悲更含恥本未識禮
數安能合步履我家增一僕人家少一子同是父母心還當慎
驅使與吳作足以並傳

藕怡詩長於五言獨無七律謂此體唐人惟子美獨步浩然太
白尙非其長以故不存七律欲挽積習也余謂此論稍偏棄短
用長各率其性之所近可耳其游理安寺見采茶者詩云茶樹
將及人婆娑山岡側有枝疎不長有葉青翼翼有女十四五映
樹好顏色挈伴分入林林深身已匿笑語戲同羣盛夏衣整飾
雜樹萬千株各自采所植雨露汲其精馨香美人得其下泉流
清其上山崩男出采石磯晨起渡江云宿霧與朝曦縱橫山影
昏浮舟入混沌元氣走乾坤浪濶悲生掛江寒藉酒温心顏一

照曜旭日出東門似學孟山人而得其風味者宜法梧門祭酒
愛其詩寄題其集云故人在空谷千里相思深烏絲遠寄將中
有泠泠音此音勿他求萬古同一心云云也

武進湯貞愍

貽汾

官副總戎告歸後僑居白門詩酒自娛癸丑

年遭亂赴水死作絕命詩一首云死生輕一瞥忠義重千秋骨
肉非吾棄兒孫好自謀故鄉魂可到絕命淚難收藁葬毋予慟
平生集怨尤用原韻輓之者百餘家各體亦百餘家詩推太原
喬鶴儕都轉武進管才叔長篇爲最佳後載貞愍七十生辰感
舊詩一百八首歷敘在官之事跡並身事辛苦朋友贈答山水
游覽不及備登只登其攜兒子綬名奉檄巡邊一首蓋由西甯
陽高出德勝口緣長城行至豐鎮入拒牆口作又自注云史記

伯詩續集卷三

古

趙肅侯築長城自雲中以北至代武靈王自代并陰山下至高
關爲塞是長城不始於秦也其在宣大以北起赤城止五原則
又元魏泰常八年所築詩云飲馬長城窟照見征人骨征人問
何代云是長城卒豈唯祖龍愚前趙後拓跋踵故及有明可憐
茲一髮一髮何重輕 聖朝中外一茫茫古戰場我行當烈日
行邊代元戎安能計勞逸吾兒已弱冠所事但紙筆願俾厯艱
辛不辭千里挈故里多虎狼平沙乏藜蕨騎士且忍飢喜茲烽
火絕不獨敘事簡勁且考據詳明可貴也

新安江海門

壽

參軍時爲運憲之知廳侯差來泰造廬攜卷勺

詩鈔見示卷軸富有議論警闕余愛其滕縣詩云三家村裏茅
柴酒隨意沽來遣一宵絕與江南風味別旅人情緒太無聊子

陵釣臺云漢家兩釣臺前後相照耀子陵鑿淮陰獨卻天子召
澤畔披羊裘浩歌復長歎烏盡卽藏弓老謀出高廟知幾母乃
神所以頭獨掉光武竟感悟頗識用意妙雲臺廿八將俱奉寬
大詔中興第一功至今慕垂釣我來千載後俯仰獨憑弔外有
花將軍歌汪孝子行洋洋大篇未能備載

吾州東門外東山寺有吳王張士誠像余詩論其人載於後集
中士誠之弟士德之事未及備說今牽連書之以昭炯鑒士德
於士誠降元之日死事於元封楚國公廟祀崑山楊廉夫有先
封楚國碑之句是也席帽山人王逢有游崑山懷舊傷今之作
云丈夫貴善後事或失謀始桓桓張楚國挺生海陵鄙一門蓄
大志羣雄適蜂起元珠探蠶社白馬飲澗水三年車轍南北向

亦同軌量容甘口說情厚穆生醴誓擊祖逖楫竟折孫策筆天
王詔褒贈守將躬歲祀翼然東崑邱蘭橈映疏綺青蘩春薦豆
翠柏寒動棨乾坤宥孤臣風雨倡五鬼銅駝使有覺薦懼臥荆
杞席帽山人不就吳張之聘而曾爲張氏規畫使之降元張氏
納之故游崑山有懷舊傷今之詩於楚國之亡有餘恫焉山人
瘦詞譎語一無鯁避固有可傳者吳張爲此邦之產事爲割據
亦一時之狂猷也夫

吳張昔據平江死後吳人或感其惠塑像祀之某年徧託夢於
吳人欲歸故鄉吳人以巨艦送之歸今東山寺所存之像是也
又其參軍俞思齊亦泰州人諫吳張不聽遂隱去不知所終亦
哲士也

吾州光孝寺丈室中有黃楊一株輪囷暢茂雖非晉義熙年間物以臆斷之或是元明之樹庚申閏三月初余過寺中作詩云陸游碑記不可得後村法書亦失傳今歲黃楊嗟厄閏不知此後幾何年陸渭南文集有泰州光孝寺大吉祥鐘樓碑記今無存又有劉克莊書字今亦剝蝕故云

宋尙書楊玠長安舊居多爲鄰里所占子弟以狀訴玠批紙尾有試上舍元基上望秋風秋草正離離今有朝貴某在京子弟以家書告亟言牆爲鄰占亦批其紙尾云紙紙家書只說牆讓
他數尺有何妨長城萬里今猶在不見當初秦始皇如此作達觀則爭競之風稍弭矣

余老友沈芍園

殿春

明經有自遣句云燕玉難爲扶老計木瓜

伯詩話續集卷三

夫

用作緩筋書緩筋之說見陸農師佃埤雅謂木瓜名林善療筋轉如筋轉時但呼其名及書上作木瓜字輒愈蓋梅望之而蠲渴楸書之而緩筋理有相感不可得而詳也余患筋轉時試爲之亦屢驗烏得目爲荒誕乎

吳蓮芬觀察從蜀中歸繪有棧雲圖卷題者甚衆詩之宏整無過於祁玉叔相國詩云平生未陟蠶叢道暫借煙雲作臥游叱馭功名九折坂浣花詩思五經秋京華別酒螺龍惜故國蕪城雁陣愁感舊因君重惆悵滔滔江漢有歸舟何子貞閣學云上有金牛下魚復五度蠶叢馬蹄熟江山銷得使君才別後詩懷惟戀蜀我今去蜀將兩年棖觸舊夢偶一牽鬢髮飄蕭腰脊癭不思棧道思吳船何北瀛侍御云飽誦青蓮蜀道難歸裝猶帶

棧雲寒宦情不耐求三釜詩夢依然眷七盤腳底羊腸經曲折
畫中鴻爪記平安少陵它日尋巢父笑指珊瑚七尺竿范雨村
制科云蜀棧連雲握虎符歸裝萬里出新圖山圍劍閣題銘在
水隔巴江作字無世路崎嶇經九折君家詞賦越三株何當再
上高樓飲重話成都舊酒徒聞裝潢後將可喬鶴儕都轉題句
時猶未獲見也

古詩客從遠方來遺我雙鯉魚呼僮烹鯉魚中有尺素書是雁
足傳書犬耳傳書之外又有鯉腹傳書之事鯉腹傳書勢必剖
腹方得厥鯉何辜爲人傳書而不免于見殺則柳毅之郵傳不
如殷喬之拋擲也有是理乎元伊世珍嫫媧記云張芸叟臨江
而居其妻遺一素綾鯉魚首尾宛然腹藏短牘芸叟試爲點染

便躍入江中漁人網得烹之熟啟視不復存矣自後網得卽放
去謂神魚云又沈思坦謝美人製魚書甚旨是藏書之製像爲
魚非眞魚也按此則古詩之語不可泥定耳記又載宗羨納書
于川上魚口中以寄桑娣魚躍去是夜娣聞叩闥聲從門隙視
之見一小龍據其戶達旦視之唯見地上霞牋一幅則魚能寄
書或有其事而不必就烹也

嫫媧記又載袁瓊詩云芳草不復綠王孫今又歸人都不解施
蔭見之曰王孫蟋蟀也然王右丞送別詩云春草明年綠王孫
歸不歸白香山賦草詩云又送王孫去萋萋滿別情此王孫猶
之公子等稱不是蟋蟀矣何可概論乎

同文體詩話已言之甚詳茲閱北魏書邢臧傳臧與裴敬憲盧

觀兄弟並諸交分共讀回文集臧獨先通之此亦一事也是知回文體六朝時最尚之

詩有同用一事而彼此用意不同者如周郎顧曲事夫人知之而六朝某詩有云緣知曲不誤無事畏周郎又釋法宣云周郎不相顧今日管絃調此固大同而小異又唐李端云要得周郎顧時時誤拂絃則命意不同矣王績云不應令曲誤持此試周郎又與諸作不同矣余亦有詩云浙矛炊劍日有事方征戍顧曲作軍機恐被周郎誤則亦不敢雷同於衆說也借事翻說皆如此類

唐錢起間空中語有曲終人不見江上數峯青之句不知何指後就試題是湘靈鼓瑟結句未就因思曲終二句可用竟以此見賞茲閱娜嬛記載唐厲元事與此相似云元渡江見一婦人屍收葬之後夢有女在林下詠之云紫府參差曲清霄次第聞及就試得綠山夜聞王子晉吹笙題用夢中語作第三四句竟以此得賞又貞元中有周存者性喜放生嘗放一鯉魚戲爲詩云倘若成龍去還施潤物功後入試題爲白雲向空盡詩旣成苦無結句忽憶鯉魚詩因改二字云倘若成龍出還施潤物功遂得通籍如此三事皆是唐人冥漠之相助亦復相類

吾鄉王雪樵晉元先生雍正朝癸卯科江南鄉試發解首題爲或問禘之說一章先生甫到金陵寓舍卽聞隔牆一士子听夕高吟二比文鏗鏘卓錄具有經籍之光實不知何題因默記之入試之日自作講下二比多不愜意更之又不可得忽念耳熟

之二比頗覺脗合卽書之而下文亦汨汨而來遂領首薦其第二名李東樓也豈不大奇此與上數事相似牽連書之

拙輯再續集中言吾鄉儲吏部靜夫蟻重刊宋遺民謝臯羽

晞髮集余向未見此本今於坊間購得之其集系靜夫抄於建

安楊晉叔家會馮御史執之按部至泰出閱極爲歎賞攜至郡

城告唐運使文載相與刻之靜夫作引以弁集首原書十卷遺

集二卷遺集補一卷天地間集一卷冬青引注一卷登西臺慟

哭記注一卷舊云二十八卷想是亡失過半靜夫抄輯之書已

非全本且遺集所載之詩或從宋遺民集抄出或爲僞託其筆

意與前集迥異王弇州謂其強弩之末不能穿魯縞余謂臯羽

詩古體近於李昌谷近體出於杜少陵而遺集所載何前後異

伯言詩續集卷之九

九

轍如此或曰此老年之作故爾有異余謂譬人少年是虎頭健

兒年老則變爲雞皮老人而精神意氣終有可驗不至前後大

異如出兩人也刊書者因亡失過多以此補之此貪多之故抑

亦可以不必矣

晞髮集古近體楊用修丹鉛錄摘錄之最賞其鴻門宴一詩以

爲雖李長吉復生亦當心服李集中亦有此篇不及此遠甚元

楊廉夫樂府亦有此篇愈不及矣評之近是非楊有滲漏鄙見

獨長蓋操觚者嗜好不同故所錄有異也集中古敘歎云刑徒

鬼火去颺忽息媽堆前殞齊發白煙淚溼樵叟來拾得慈獻陵

中髮青長七尺光照地髮下宛轉金釵賦持歸熏沐置高堂包

裹恐爲神所將妻兒朝拜復暮拜冉冉沈病不得瘥省知天物

厭凡庸夜送白龍潭水中扣頭卻願祈免死永入幽宮伴龍子
故園曲第四章云粵王山下霧如雨吹入羅襟楚女啼身逐千
艘落南去惟有檣鳥飛向西雨中怨云妾在江南家楚東憶君
月落雨聲空夜來入夢君無語落月同看雨不同近體警句如
月過秦涼北星深河漢西青山明月下家口少微東掃徑雜花
落種松如草長落日失滄海寒風上薊門吳越逢寒食山村見
獨行驛花殘愁水烽火到交州漁樵分落日櫻笋過殘春風塵
侵祭器樵獵避兵船戍近風吹折河空雨送船坐久雨聲絕水
深荷刺生草沒秦人塚山通越國城暮色隨鐘盡年光逐水來
摘錄于冊諒不嫌多也靜夫先生著有柴墟詩文集而又網羅
散失若此史官傳公於文苑其以此歎

說者謂詩詠古蹟僅泥定本事徒見堆垛此高著眼孔之說欲
其凌空駕馭也然脫盡本事又未免蹈空恐非篤論徐竹江

來金陵懷古詩讀書臺云才生亂世多無賴士死疆場亦令終

黃天蕩云寒外烏珠真點虜帳中紅粉亦英雄桃葉渡云橋邊
鵲渡盈盈似江上花開緩緩同木末亭云金川門破周公忍鐵
鎖江開孺子沖亦空亦實不愧作家

吾鄉袁止泉老玉勾斜弔古云晉陽一水達邗溝歌舞承恩此
地游埋玉有鄉非樂土招魂無計是真愁螢光照夜應名苑螺
黛迷人合號樓邇日玉勾斜畔路白楊蕭瑟易成秋清夜游尋
何處家錦帆無故到天涯身如芳草成枯草愁見楊花變李花
鏡裏頭顱空雪涕塚中魂魄怨風沙而今屢聽耕夫說拾得金

欽半整斜詩饒有風韻止泉詩已見余初刻集舊名政祥茲改
今名

詠古蹟七雜定如杜子美之昭君村永安宮諸葛廟等作猶如
立身於九重天上人翹企之洵爲萬分難及下此則劉禹錫之
西塞山懷古李商隱之隋宮與籌筆驛温庭筠之蘇武廟等作
音調高朗吐屬工雋亦復各有千古又如宋趙孟頫之岳王墓
金元好問之行經惠陵等作亦復有可傳者今則如王士正之
潼關查慎行之土木堡陳恭尹之鄴中沛中蜀中懷古嚴遂成
之樊城與三垂岡感事等作亦可繼聲千餘年來得此數家有
此數首足以見人之才思感我之心脾惟思自古英髦駸駸逝
水諸般事故落落風騰其忠佞可被譏鷓絃其成敗足奉爲龜

鑑何得謂二千餘歲徒矜騷雅之謳歌五十六言不比春秋之
交鉞也時憑管闕無遺封采此事之難能可貴概可知已余學
爲之而終不相肖摘其斷句庸質有道如八陣圖云兵戈萬衆
哭爲狗兄弟三人蜀得龍馬鬼驛云劍閣千重人竟去梨花一
樹佛無情梅花嶺弔史閣部墓云生髻諸葛營中淚死少田橫
島上人竊思吳狗雖見三國志裴松之注傅彤語蜀龍見世說
以之屬對得無餽釘乎人竟去佛無情或嫌人竟去三字隨手
愚意謂明皇由馬嵬坡決然捨去徑登劍閣何不情甚佛無
情縱是佛子亦救不得人也諸葛淚田橫島文謂陳壽贊諸葛
謂應變將略非其所長史公文臣將略不及諸葛只抱得耿耿
之心已耳而諸將則跋扈喧呶有愧於田橫島上人也不知是

否姑錄就正

楊柳詩人詠之多矣近人之佳昭陽趙竹塘云歌傳樂府小垂
手人憶琅琊大道王甘泉許春卿云詩心細過風梳髮人意溫
於絮着衣江都史燭庭煇久云羣鶯飛徧江南樹征馬馱來灞
上人同硯韓福基紹基云一葉一花隋苑樹三眠三起漢宮人
皆風流詠蕩

吾邑袁冶山

振華

世丈善作擘窠字工詩豪飲同人小集賞益

中芍藥云一生縱酒狂醉鋪劉冷荷年來老不支戶小豪氣挫
故人遠道歸招同佳客過銅瓶間古瓷錯落列右左名花三百
枝紅白嬌無那濃不藉露滋色恐臨風蹙浩態膩紅燈柔香裊
青瑣殿足十分春弄影何婀娜權開崑崙觴看列洞庭果酒酣

伯詩話續集卷下

三

竟更耐老夫曠欲墮歸路月三更逃座休嗤我灑脫適如其人
哲孫後山文學名寶鏐曾從余子衢問字得祖之遺研守之繪
爲圖余以晉范喬爲比詩世其家學卽事云園鳥驚人來飛上
庭前樹踏落數枝花花飛又何處弔梁武帝句云同泰捨身何
草草臺城苦口歎荷荷皆佳余敘此一以見香火之有緣一以
見箕裘之不墜也又其族人子文名錦茂才亦有文藻詠春柳
用王漁洋秋柳韻云舟尋渡口紅桃鴨圖變江南黃葉村多愁
多恨人初別無雨無風花亦飛丁沽煙隱當鑪女甲第風高異
姓王冶游空綰雙驄轡卒歲難充八繭絲可謂袁氏多才也
丁巳四月郡守課士以蒙正夾袋王勃腹橐李賀錦囊命題謝
種之太學詠王勃腹橐云搜羅掌故成雞檄滿足精神送馬當

其弟詠蒙正夾袋云照面堅辭千里鏡掄才如獲五明囊王子
文詠王勃腹囊云閣上序能驚座客此中食已負將軍誰謂詠
物之句不足以見人之才思也

徐竹江之弟月槎

次字

茂才繼聲於乃兄詩亦清蒨幽居云斷

竹綠當路好花紅向人冬野書所見云水落岸斜出山空雲獨

歸

昭陽李復堂

鱗

大令善畫得錫山蔣氏之傳題畫之句無不風

趣自題畫雞云畫雞欲畫雞兒叫喚起人間爲善心是風趣而
兼諷諭矣

吾邑夏春舟世丈髮而好學凡有聞見歸必錄之酒畔茶餘有

如不及抄錄既久積軸盈尺名之曰膾炙集世丈工詩善飲詩

伯詩話續集卷之

壹

饒趣味時有畫師馬墨初

呈圖

購得蘆洲之地一區欲蓋屋而

未果以詩諷之云買將一片荒涼地畱與寒蕪晒夕陽不見當

年王錄事草堂貲只剩空囊

吾邑翟應三

宣

武孝廉也老而工詩自述云馬槊弓刀自在身

年華衰老事成塵功名不就親書卷笑殺寫肩火食人

吾邑張九成

鳴韶

文學王心齋祠云後死有誰稱鐵漢先生不

愧是明儒語有分際

昭陽符雨巖

旌

學博題文姬歸漢圖云左賢王忍兩兒悲羈幕

貂裘淚暗垂只有董郎眞厚倖阿瞞爲爾贖蛾眉江都于滄洲

潛

布衣題句云風塵磨折關天意女子由來不重才各抒所見

滄舟客老於泰州作韓康之賣藥早晚一壺今墓已宿草矣

元葛邏祿迺易之詩云上東門外杏花開千種紅雲遶石臺最
憶奎章虞閣老白頭騎馬看花來詩謂當時杏花無過東嶽廟
石壇道士董定宇居虞閣老虞伯生集也虞有風入松詞末云
重重簾幙寒猶在憑誰寄金字泥緘爲報先生歸去也杏花春
雨江南題下自注云寄柯敬仲所謂先生者卽柯敬仲也堯山
堂外紀天台柯敬仲九思際遇文宗起家爲奎章閣鑒書博士
得出入內廷後失寵居吳下虞賦風入松寄之龍巖魏笛生觀
察輻三十五科館閣題解於杏花春雨江南下祇注虞集風入
松詞而未注寄柯敬仲字則上句先生不知爲誰何也余司校
閱始爲拈出

古人之篤友誼而形諸歌詠者唐元微之聞白樂天授江州司

馬云殘燈無焰影幢幢此夕聞君謫九江垂死病中驚坐起暗
風吹雨入船窗宜乎樂天聞之云此詩他人尙不可聞况僕乎
微之旣得樂天書云遠信入門先有淚妻驚女哭問何如尋常
不省會如此應是江州司馬書此不過小小遷謫耳視永遠死
別者有間而情意之篤尙如此又宋黃魯直荆江亭卽事詩云
閉門覓句陳無已對客揮毫秦少游正字不知溫飽味西風吹
淚古藤州蓋少游死于藤州無已哭之慟又如此所謂正字不
知溫飽味者按宋史無已高介有節初游京師未嘗一至貴人
之門傅堯俞欲識之先以問少游少游曰是人非持刺字俛顏
色伺候公卿之門者殆難致也堯俞知其貧懷金欲爲饋比至
聽其論議益敬畏不敢出是少游誠知無已少游死而無已能

不哭之慟乎且謂正字不知温飽味者史稱無已家素貧經日
不炊妻子慍見不恤也又豫郊祀行禮寒甚衣無棉妻就假於
趙挺之家問所從得卻去不服魯直言此是其實事非讒言也
爲問後人之於朋友贈答有此真情高誼否或有投贈虛譽諛
詞搖筆紛至究之休戚無關痛癢不着何以文爲

黃魯直荆江亭卽事詩本之杜子美存歿口號二首子美詩云
席謙不見近彈碁畢曜仍傳舊小詩又云鄭公粉繪隨長夜曹
霸丹青已白頭蓋席謙存而畢曜鄭虔歿也魯直詩云閉門覓
句陳無已對客揮毫秦少游時少游歿而無已存也此語已見
于洪容齋隨筆余不敢攘其有姑因前說錄之今王貽上喜吳
漢槎入關云太息梅村今宿草不畱老眼看君還謂漢槎存而
梅村歿也又德州旅店壁無名氏題句云都轉聲華一霎休尙
書名位冠通侯亦是此意詩人仿此體者餘可類推

但詩譜續集卷六

五

彈碁一事今已弗傳其說見于漢盛子唐漢書梁冀善彈碁格
五三國志注魏文善彈碁能用手巾角蓋其局以石爲之兩人
對局白黑碁各六枚先列碁相當下呼上更相彈也唐賢有碁
譜一卷局方五尺中心高如蓋其顛爲小壺四角微起李義山
詩莫近彈碁局中心最不平謂其中尊也白樂天詩彈碁局上
事最妙是長斜子美存歿口號自注道士席謙吳人善彈碁李
義山白樂天俱生于唐故於彈碁言之甚晰特不知此事之替
于何時也

近聞王勾生

翼鳳

死難于浙哭之以詩云樽前忽報勾生死酒

氣難温面色灰遠道昔如飛絮去荒庵交與古松哀烽煙我制
無窮淚淮海人推有數才偷獲歸魂與歸骨浙風吹水渡江來
第四句謂勾生曩賦吾州松林庵古松結句有夏君老去康侯
強應與此松同低昂之語松若有靈應與余之老淚同一汎瀾
矣

唐柳子厚詩與韋蘇州竝稱是曰韋柳鮮不以爲冲和澹遠不
求精鍊而不知其骨力道勁集中自有上東門一詩指陳宰相
武元衡被刺事其詩責當道不能爲元衡追求刺客與元衡雪
恨豈非恨事詩曰漢家三十六將軍東方雷動橫陣雲雞鳴函
谷客如霧貌同心異不可數赤丸夜語飛電光徼巡司隸眠如
羊當街一叱百吏走馮敬胸中函匕首凶徒側耳潛慙心悍臣

伯詩話續集卷之今

三

破膽皆杜口魏王臥內藏兵符子西掩面眞無辜羌胡轂下一
朝起敵國舟中非所擬安陵誰辨削礪工韓國詎明深井里絕
膺斷骨那可補萬金寵贈不如土似此義正詞嚴令人驚心動
魄矣時劉禹錫有代靖安佳人怨詩亦指此事詩云寶馬鳴珂
蹋曉塵魚文匕首犯車茵適來行哭里門外昨夜華堂歌舞人
又云秉燭朝天遂不回路人彈指望高臺牆東便是傷心地夜
夜秋螢飛去來此匪獨無哀傷之詞而實有倖災樂禍之意宜
乎朱文公爲之道破也子厚詩意迫切筆亦剽悍而諷諭之旨
自含蓄不露此可爲風人論事之祖操觚家能解得此意則思
過半矣韋蘇州集中冲和之作固多而道勁之詩亦復不乏檢
閱之自得無用覲陳也

吳縣薛亮臣所有穉女小字蓮生生年七歲性聰慧從袁子文
受書一目十行上口了了竝能屬對語皆工巧忽病殤父與師
情不能忘特繪小像亮臣謨行狀一通紀其大概索人題詠其
最可傷者蘇常遭亂日亮臣挈女浮海遠徙至秦剽掠風濤之
險辛苦與女共之今女歿折倍可憐矣喬鶴儕都轉慰其哀思
系以詩云瑜珥瑤環玉不如勝衣方喜步徐徐無端寶樹埋黃
壤悵悵昌黎痛女孥人生小劫總浮漚莫問彭殤短與修但祝
金環重報取化爲玉燕又相投其慰之至故有玉燕相投之句
理或然也袁子文詩云彭殤一瞬總悠悠歎爾曾經大海舟若
話歸魂歸骨事滿天麋鹿尙蘇州是言泛海之事與故鄉之思
也余詩云七齡女子最聰明忽捨鳩車赴玉京何怪兪孃拋不
得桃花樹下哭蓮生名同寄寄淚潛潛阿父文齊李義山繡祿
金鐙在何處玲瓏或見夢中還余閱李義山哭小女寄寄文賞
其真摯今亮臣哀女而不諳情之所繫古今人原無異情也
余作泰州麴烈女詩云麴烈女生蓬蓽父徐五贅麴室冒姓麴
中年卒女長成一十七桃李容松柏質善持躬守白璧無賴子
姊之匹婿曹先行狡獪母女依侍盟櫛人問字曹阻尼曹言挑
女心怵闖女爨闖然逼女手纖拒之力拂曹怒勢不測女告母
母罔直哭訴鄰理不得告諸姊姊無術女計窮無處匿身赴河
甘及溺巨觚來臂折一臂可折身不失身可溺志不汨冤雖沈
天應惜天旣惜尸浮出何處人秦州籍居何處秦壩側嘉慶朝
此事實乙卯年六月日前有賦此事者序事微瑣余追書之

再續集曾坵載浮邱伯相鶴經甯戚相牛經於話詩後茲閱陸
農師埤雅釋馬一條於相馬之法綦詳其詞曰舊說相馬肝欲
得小耳小則肝小肺欲得大鼻大則肺大脾欲得小膝小則脾
小心欲得大目大則心大又曰眼欲得有紫豔口欲得有紅光
上脣欲得緩下脣欲得急上齒欲得鈞鈞則壽下齒欲得鋸鋸
則怒脊欲大而抗額欲方而平喉欲曲而深胸欲直而出免間
欲開虎口欲開升肉欲大而明輔肉欲大而明耳欲如劈竹睛
欲如懸鈴頭欲高如剝兔項欲起如飛龍又曰人眼烏目麋背
麟腹虎胸龜尾擊頭如鷹垂尾如彗又曰望之大就之小筋馬
也望之小就之大肉馬也前視見目旁視見腹後視見足駿馬
也毛束皮皮束筋筋束肉肉束骨五者兼備天下之馬也又曰

口中紅白間色者壽鼻中紅色如朱點書者壽眼中赤色如字
形者壽文亦古致因思杜子美詩詠馬甚多如竹批雙耳峻風
入四蹄輕顧視清高氣深穩等句儼然相馬經也且馬經只相
馬之形狀未審馬之性情氣節詩又有所向無空濶真堪託死
生一心與人成大功等句則審其性情氣節矣此可知文士之
筆窮神極相無堅不破無微不入也朝野僉載云伯樂合其子
執馬經以求馬經年無所得出見大蝦蟆謂其父曰得一馬略
與相同而不具其馬隆顙跌目但蹄不如累翹耳伯樂笑曰此
馬好跳躍不堪御也余覽此失笑夫以蝦蟆爲馬無怪世之見
橐駝者以爲馬腫背矣何少所見而多所怪耶

張衡詩云美人贈我紅錦緞何以報之青玉案此本三百篇木

瓜之詩衛風曰木瓜木桃李言投之薄也曰瓊瑀瓊瑤瓊玖
言報之厚也禮云太上立德其次務施報王道本人情未有來
而不往者亦未有往而不厚者詩言木瓜木桃李不定爲瓜
與桃李也言瓊瑀瓊瑤瓊玖亦不定爲瑀與瑤玖也蓋類如是
也特以爲瓜桃李瑀瑤玖音相叶耳凡人詎可謂芟芟之物不
足以語大道昔管仲相齊諸侯之賓至垂橐而入捆載而歸是
以九合諸侯一匡天下管仲之勳業爛然魯城小穀爲管仲也
可知要結人心創霸者尙如是况王道歟報施之說不可不講
九經之道厚往薄來早言之矣其在世之貪吝者厚已薄人不
知哀多益寡幾視木瓜木桃李亦珍秘如瓊瑀瑤玖也矣可乎
哉

唐陳子昂人稱其文章起三百年之衰竊觀其所作如前不見
古人一首洵可與蘇李曹劉中原角逐矣他如感遇之作亦如
阮嗣宗之詩詞旨雖佳而骨氣不墊餘詩且有俳句並未脫盡
晉齊梁陳隋之舊宜乎山陽潘農師說詩與阮嗣宗同訾謂籍
黨司馬昭而作勸晉王賸子昂諂事武后而請立武氏九廟犯
天下之不韙爲小人之歸言雖劍刻而實有見地余觀唐宋紀
事詩元詩選之紀注明詩綜之徵引輯錄者務求賅博以故良
楛兼收涇渭並列愚謂正人君子忠臣諫士如唐之顏常山顏
平原張睢陽宋李忠定岳武穆文文山陳太學鄭監門唐玉潛
林霽山元郝伯常余廷心明楊忠愍劉念臺黃石齋倪文正史
忠正諸公無論箸饌之多寡是爲河嶽日星亘天蟠地萬古不

能磨滅他若元惡大憝奸人儉壬如唐賀蘭進明高駢宋丁謂
章惇蔡京秦檜韓侂胄明嚴嵩阮大鍼等輩無論文章工拙出
於荆棘資莽梟獍虺蛇噬人害物後世皆得唾棄如此類一切
摒去皆可不存江河之大自可容垢納污如此垢污江河不受
不得爲江河詎病也間觀詩學本之三百篇篇中之載周公召
康穆公芮伯仍伯衛武公尹吉甫之外蔡霍叔等未必絕無才
思不知聲韻而形于謳歌者宣聖刪詩何以不留一句不見一
字乎或刪之也巷伯之詩曰楊園之道猗於畝邛寺人孟子作
爲此詩寺人孟子卑賤之人而其言可采宣聖錄之以其有忠
愛之忱也彼譖人者方投有北豺虎之不暇而遽錄其言耶爲
宇宙絕其間氣而後正氣可長生也

子濟

年

功

姪衛

恪同校字

